

San Marcos

Mamabuinore coyuiyebu Marcos bácu ùi toivaiye báquede Jesucristorã. Marcos bácu barejaquémavu judíovacacu, Bernabé bácu chimacu (Hch 5:36, Col 4:10). Jípaco bácu, María ãmicucu, òi cūrami cójjiivarejaquemavu Jesúre ju aipõeva (Hch 12:12). Juan ãmicucu barejaquémavu Marcos bácu. Cucunñrejaquemavu Pablo bácuque aru Bernabé bácuque (Hch 12:25, 15:37-39). Majidivú ne dápiayeye, iye coyuiyede Jesucristorã toivarejaquemavu ù mácu cucu bácu Roma ãmicuriimaroi. Marcos bácu, Jesúque cubecu bácuvacari, majidejaquemavu Jesú borore Simón Pedro bácu, ñai Jesús ùi yávaiye méne beorí coyucójeimu, ùi coyuiye báque boje ù mácuere Jesúrã. Põecu cubebi majicu ye uju ùi toivaiuju bácarõre diede. Ëbenita obedivú majidivú ne dápiayeye Marcos bácu toivarejaquemavu Mateo bácu, Lucas bácu, aru Juan mácu ne toivarãjiye jipocare, ãniujña báquede 57-63 d.C. baji.

Marcos bácu jádovarejaquemavu Jesúre yópe memecaipõecure. Judío bácuvacari, toivarejaquemavu judíova ãnevure, ne majinajiyeye ayu Jesús parucure caivu pñeno, ùi ðaiye boje põeva ne ðari majibede, ùi cójeiye boje abujuvare, aru ùi jaruvaiye boje põeva ne ãmeina teiyede. Coyurí búrejaquemavu Jesús ãmureca, ùi buiyede ùi memecaiyede, Juan Bautista bácu ùi jádovaiye báquede úre Jūmenijicure ocoque.

Juan Bautista ùi coyuiño Jūmenijicui yávaiyede põecubenoí

(Mt 3.1-12; Lc 3.1-9; Jn 1.19-28)

1 ¹Yópeda teni búrejaquemavu iye yávaiye me Jesucristo Jūmenijicui mácurã coyuiye.

²Javede toivarejaquemavu Jūmenijicui yávaiyede coyucaipõescu bácu ùi ãmiá Isaías, yópe Jūmenijicui aiyé báquede mamacure:

Jaroivú yure coyucaipõecure mi jipocai, mi cuimare meadaquiyeye ayu. ³Jūmenijicure coyucaipõescu codoboboyure jápiarãjarama põecubenoí: “Meadajarã muje ùmene copu etaburí maje jabocure, nopedeca muje meadaiyeye daimare ñai ùmu, muje pueðaimú, ùi ðaquiyé jipocai”, arejaquemavu Jūmenijicu, arí toivarejaquemavu Isaías bácu.

⁴Nópe Jūmenijicui yávaiyede coyucayú, Isaías bácu, ùi aiyé báquepedeca tedejaquemavu Juan

Bautista põecubenoí. Põeva vaivure coyure curejameða nore. Ocoque jádovacuyú põevare Jūmenijicure, coyuyú barejameða põevare, ne chõiori dápiarãjiyeye ayu ne ãmeina teiyede, Jūmenijicui ãrumetequiyeye ayu diede.

⁵Obedivú põeva Judea

ãmicurijoborõcavu aru Jerusalén ãmicuriimarcavu máre jápiarãñurejaimaða Juan Bautista yebai. Aru na coapa “Ámecubu yu” ne aríburu yóboi Jūmenijicure, ne chõiori dápiayé boje ne ãmeina teiyede, jádovarejameða náre Jūmenijicure Jordán ãmicuriya jiai.

⁶Juan Bautista dorejameða ãimacu camello ãmicucui pòdaque ðaicajede ùi cuitótecaje. Aru ùi járióicáva máre ãimacajeque ðaicáva marejávüya. Ë ãre curejameða mujuñuvare aru mumicorore máre, yópe arevú nócavu cive cuvabevure. ⁷Yópe arí, coyurejameða põevare:

—Dacuyume ji yóboi cūinácú, ji pñeno parucu. Que baru caivu pñeno meacu bajube ù. Buojabevú yu orí nacachini

duayũ ñi curaidoa buoimeare. ⁸Yũ ocoque jádovaivũ mujare Jũmenijicure. Ubenita ñ macuyũme jádovañũ mujare Jũmenijicũque, daroyũ Espĩritu Santore, arejameđa Juan Bautista.

Juan Bautista ñi jádovaino Jesũre Jũmenijicũque

(Mt 3.13-17, 12.18; Mr 9.7; Lc 3.21-22)

⁹Dijãrvuãi Jesũs nurejameđa Nazaret ãmicurĩimarore jocarĩ, etacuyũ Galilea ãmicurijoborõre jocarĩ, nuñũ Juan Bautista yebai. Aru Juan Bautista jádovarejameđa ãre Jũmenijicũque Jordãn ãmicuriya jiaĩ. ¹⁰Maumena ñi maiyede jiare jocarĩ, Jesũs járejameđa cavarõ mearo vorĩ nuĩnore. Aru ñai Espĩritu Santo jurecope emeni darejameđa ñi pũenora. ¹¹Aru jápiarejameđa apeno yãvainore, cavarõ mearo Jũmenijicũi curõque aiyede yõpe: “Mũ, jímacũ, jí mũũ, me torojũvũ yũ mũre”, arejameđa Jesũre Jũmenijicũ.

Abujuvai jabocũ Jesũre ñi jujovarĩduino

(Mt 4.1-11; Lc 4.1-13)

¹²No yõboi ñai Espĩritu Santo nũvarejameđa Jesũre põecũbenoi. ¹³Cuarenta pajãrvuãa Jesũs curejameđa nore, ãimara jijecurivũ ne jẽneboi. Que teni ñai abujuvai jabocũ, Satanás ãmicũcũ, jujovaiyũrĩdurejameđa ãre. Aru ángeleva coreni caďatedejaimađa Jesũre.

Jesũs Galileai ñi bueni buino

(Mt 3.2, 4.12-17; Lc 4.14-15)

¹⁴Dinũmũre Herodes ãmicũcũ jabocũ bũorejameđa Juan Bautistare. Ure bũorĩburu yõboi, Jesũs nurejameđa Galilea ãmicurijoborõi, coyũcuyũ iye yãvaiye mène, Jũmenijicũi coyũicõjeiyede ãre. ¹⁵Que teni arejameđa põevare: —Jave eaiyu dijãrvũ. Maumena Jũmenijicũ mujare jabotecuyũme. Que baru chĩojara mũje ãmeina teiyede. Oatũvajarã mũje ðaiyede. Aru ju ajarã iye yãvaiye mène, Jũmenijicũi coyũcũiyede mũjare, arejameđa Jesũs.

Jesũs ñi “Dajarã” aino yõvaicũvaivũ moa boaipõevare

(Mt 4.18-22; Lc 5.1-11)

¹⁶No yõboi Jesũs cuyũ macajitabu urabu Galilea ãmicurijitabu ecarũi, járejameđa Simõre aru Andrés ãmacũmaquevũre. Moa boarĩ bojeďaipõeva marejãimađa na. Que baru ðvaivũ barejãimada ne pápicure no macajitabũi. ¹⁷Ne que teiyede, Jesũs arejameđa náre:

—Dajarã yãque. Aru epequijivũ mujare, mũje davarãjiyepere põevare jí yebai, yõpe mũje moare davaiyepere pápicũque, jí meadaquiyepere náre, arejameđa Jesũs.

¹⁸Que ayũre jápiarĩ, ðajocarejaimađa ne pápicũare, nũrajivũ Jesũque.

¹⁹Aru cuyũ cãreja, jipocai járejameđa Zebedeoi mårare, ne ãmiã Santiago aru ãmacũ Juan. ãmarejaimada ne jiãdocũi, meadaivũ ne pápicũare.

²⁰Jãrina cuturejameđa náre. Quẽnora cũinã ðajocarejaimada népacure ãre memecaipõevaque jiãdocũi, nũrajivũ Jesũque.

Abujucũ ñi ãmamũ Jesũre ñi corũino

(Mt 7.28-29; Lc 4.31-37)

²¹Jesũs ñi bueimaraque earejaimađa Capernaum ãmicurĩimaroi judõvai jabũvõvajãrvũ sãbadoi. Judõvai cõjjiñĩami ecorĩ, Jesũs buedejameđa ina põeva noi curivũre. ²²Ina Jũmenijicũi yãvaiye báquede bueipõeva pũeno buedejameđa náre, yõpe parũcũpe. Que baru ina jápiaivũ ñi buiyede torojũrĩ cuecumarejaimađa. ²³Aru curejameđa judõvai cõjjiñĩami cũinãcũ ãmũ, abujucũ ñi ãmamũ. ²⁴Coďoboborĩ arejameđa Jesũre:

—Mũ, Jesũs Nazarecacũ, ¿yẽde ucũrũ mũ ñũjaque? ¿Jarũvacũdayũ ðacũrũ mũ ñũjare? Coreõvaivũ yũ mũre. Jũmenijicũi mãcũ meacũ bajubu mũ, arĩ coďoboborejameđa.

²⁵Ubenita Jesũs bi aicõjenejameđa ãre:

—Mũ, bída etajacũ ñai ãmũre jocarĩ, arejameđa Jesũs.

²⁶Que baru abujucu bidióvarejameđa pare ñai ùmure. Cođoboborí pare, etarejameđa úre jocarí. ²⁷Aru cuecumari jáivu ina pōeva, arejaimađa ne bajumia: —¿Yéba yo? ¿Ye bueiye mamaema iye? Úi yávaiye paruéque jaruvaibi abujuvare. Aru nácapúrvavu ju adama úre, arejaimađa na.

²⁸Aru maumejiena majidejaimađa Jesúi borore caino Galilea ámicurijoborōcavu caivu.

**Jesús úi meadaino Simón Pedro
vácure**

(Mt 8.14-15; Lc 4.38-39)

²⁹Etaivú bácavu judíovai cójijíñamiena jocarí, ecoránurejaimađa maumena ne cūrami ina Simón aru Andrés máre. Santiago aru Juan máre yóvarejaimađa náre. ³⁰Ico Simói váco moimo pararejacođa. Aru cūiná coyurejaimađa Jesúre òi borore. ³¹Que baru Jesús nurejameđa òi yebai. Jēni òi pūrure, óre nacovarejameđa. Aru maumejiena ðajocarejavúya moino óre. Dinñumia áiyede meadari jídejacoda náre.

Jesús úi meadaino obedivu ijimarare

(Mt 8.16-17; Lc 4.40-41)

³²Dinainumica ñamijie baji avía úi doríburu yóboi, jabuóvaujārvavu vaiyede, ina ímarocavu nūvarejaimađa Jesús yebai caivu ijimarare, aru abujuva ne ímamarare máre. ³³Que teni caivu ina ímarocavu cójijidejaimađa jedevacobena. ³⁴Jesús meadarejameđa obedivu ijimarare. Caiye ijiéde jaruvarejameđa. Jarorejameđa náre jocarí ina abujuvare máre. Aru yávare ðabedejameđa, ne coreóvaiye boje úre.

Jesús Galileai úi bueino

(Mt 4.23, 9.35; Lc 4.42-44)

³⁵Jesús coedarí nacajari ñeminomia, avía úi cōaquiye jipocai, nurejameđa pōecubenoí. Jēniare cuyu barejámeđa Jūmenijicuque. ³⁶Miadáe tuyede Simón úcavūque vorejaimađa Jesúre. ³⁷Vorí earí, arejaimađa úre: —Caivu pōeva vođama mure, arejaimađa Jesúre.

³⁸Náre arejameđa:

—Járica, apenoa ímaroa joabenoai nurevu, coyurājivu Jūmenijicuí yávaiyede noi. Que baru daivu yu, coyucudayū diede, arejameđa Jesús.

³⁹Coyurejameđa Jūmenijicuí yávaiyede caino Galilea ámicurijoboróí judíovai cójijíñamiai. Aru jaetovarejameđa abujuvare máre.

Jesús úi meadaino pojeiyure

(Mt 8.1-4; Lc 5.12-16)

⁴⁰Cūinácu pojeiyu nurejameđa Jesús yebai. Aru ñuatutarí, arejameđa úre: —Mu ũcu baru, meadajacu ji pojeiyede. Buojaivu mu meadayu yure, arejameđa.

⁴¹Que ayure jápiarí, Jesús cōmaje āroje jári, úi purūque jabióvarí tuoyu, arejameđa úre:

—Ūvu yu. Caride meatejacu mu, arejameđa Jesús.

⁴²Maumejiena Jesús úi que aiyeda vaidéjavúya úre. Meatedejameđa ũ. ⁴³Ūbenita Jesús majicarejameđa parurōreca, “Nujacu” ayu úre, arejameđa majicaríduyu:

⁴⁴—Coyubejacu apevure. Cūiná nuri, jáđovajacu sacerdotede. Aru jíjacu mi meateiye boje, yópe Jūmenijicuí ðaicójeiyede úi coyuiye báquepe Moisés bácure, pōeva ne coreóvarājiyepē ayu mi meateinore, arejameđa úre Jesús.

⁴⁵Ūbenita coyure nurejameđa Jesúi borore. Que baru ecorí majibedejameđa Jesús pōeva ne jáinore. Quénora curejameđa pōecubenoí. Aru nurejaimađa pōeva, cainoa ímaroacavu, úi yebai.

**Jesús úi cure ðaino nacajaiye
majibecure**

(Mt 9.1-8; Lc 5.17-26)

2 ¹Ecorejameđa Jesús cojedeca Capernaum ámicuríimaroí obedijārvava yóboi. Jápiarejaimađa cūcure cūrami. ²Que baru cójijidejaimađa obedivu pōeva. Buiní jajidejaimađa jedevacobeita. Aru Jesús coyurejameđa Jūmenijicuí yávaiyede náre. ³Dinñu yóvaicuvaiyu ũmva

nɔvarejaimada ũi yebai cūinácu ũmu nacajaiye majibecure. ⁴Ūbenita ecoivu buojabedejaimada Jesús yebai, pōeva obedivu ne cue boje. Que baru mɔri nɔri cūrami puenora, voarejaimada diede, ěmeóvarajivu ñai nacajaiye majibecure ũi parainoque Jesús yebai. ⁵Náre coreóvayu ju aivure, Jesús arejamedá ñai nacajaiye majibecure:

—Mɔ, ji ɔmu, mi ámeina teiyede jaruvári árumeteivu yu, arejamedá Jesús.

⁶⁻⁷Noi dobarejaimada obebevu Jūmenijicui yávaiye báquede bueipōeva, dápiavú ne ðaiyūrōre: “¿Aipe teni que yávayuba ñai? Jūmenijicui ũbenore ðaibi ũ. ¿Ñamema buojari jaruvayu ámeina teiyede, árumeteni diede? Quénora cūinácurabe Jūmenijicu jaruvayu diede” arí, dápiarejaimada na.

⁸Jesús jári coreóvari maumejiena ne baju ne dápiayede, jēniari járejamedá náre:

—¿Aipe teni que arí dápiavurú mɔja? ⁹Maiyójabevu yópe aru apecure, “Mi ámeina teiyede jaruvári árumeteivu yu”, ji paruéde jáðovame boje, ji que coyuyede. Ūbenita maiyójarótamu nacajari cuicójenú nacajaiye majibecure. Ūre cure ðayu baru, jáðovaquijivu ji paruéde. “Mi ámeina teiyede jaruvavú” ji aiyede, coreóvabevu mɔja Jūmenijicui árumeteinore diede. Ūbenita ñai cuvacu Jūmenijicui majié paruéde, ũrame yópe ðari jáðovaiye majicu. Quécura Jūmenijicuvacari meadarí majibi iijimarare. ¹⁰⁻¹¹Que baru mɔje majinajiyepere ayu Jūmenijicui daroimá mácu ũmure, yu, paruéde cuvacure ijáravure, jaruvacuyu ámeina teiyede, yópe ðaquijivu yu, arejamedá Jesús.

Dinɔmu arejamedá nacajaiye majibecure:

—Yópe aivu yu mure, nacajari, mi parainore ñni, nɔjacu mi cūrami, arejamedá ũre Jesús.

¹²Dinɔmuma nacajari maumejiena, ũi parainore ñni, etarejamedá ne jēneboi. Caivu cuecumari, mearore jídejaimada Jūmenijicure. Aru, “Aipinɔmu jámeteavú maja yópe painore”, arejaimada na.

Jesús ũi “Dajará” aino Levíde

(Mt 9.9-13; Lc 5.27-32)

¹³No yóboi Jesús nurejamedá cojedeca macajitabu urabu ěcarui. Caivu pōeva nurejaimada ũi yebai. Aru bueyu barejámedá náre. ¹⁴Dinumure vainí nuñu járejamedá Levíde, Alfeoi mácure, dobacure ũi memeitucubui, pōeva ne Roma ámicuró jaboteino bojedainoi. Aru arejamedá ũre:

—Dajacu yúque, arejamedá Jesús.

¹⁵Nacajari nurejamedá Jesúque. Aru obedivu pōeva nurejaimada ũi yóboi. Que teni Jesús ũi ácnuyede Leví cūrami, obedivu jabovare táutura ícaipōeva, ámeno ðaipōeva, aru ũi bueimara máre dobarejaimada, árajivu Jesúque. ¹⁶Apevu judíova, ðaicójeiyede ðaiye cōmajivu, fariseo ámicuriyabocavú, curejaimada nore. Ina fariseovacavú, Jūmenijicui yávaiye báquede bueipōeva, Jesús áñure jári, ina jabovare táutura ícaipōevaque aru ámeno ðaipōevaque máre, arejaimada ũi bueimarare:

—¿Aipe teni áñuma jabovare táutura ícaipōevaque aru ámeno ðaipōevaque máre? jēniari járejaimada náre.

¹⁷Que aivure jápiarí, Jesús arejamedá:

—Meara pōevare juoipōecuí cadateiye jaubevu. Quénora iijimarare ũi cadateiye javuvu. Dabedejacacu yu ijáravui, cutucuyu mearare ne baju dápiainore. Quénora darejacacu yu, meadacuyu ámenare, ne chíorajiyepere ayu ne ámeina teiyede, Jūmenijicui árumetequiyepere ayu diede, arejamedá Jesús.

Pōeva ámevva áiyede ne jēniaino

Jūmenijicue

(Mt 9.14-17; Lc 5.33-39)

¹⁸Dinɔmu Juan Bautistai bueimara aru fariseovai bueimara máre ne jēniayede Jūmenijicueque ámenejaimada áiyede. Aru pōeva earí, jēniari járejaimada Jesúsre:

—¿Aipe teni Juan Bautistai bueimara aru fariseovai bueimara máre ámevva áiyede, ũbenita mi bueimara ámevva ámema áiyede? arejaimada.

¹⁹ Jesús arejameđa náre:

—Ina purubuoꝝy ũi cutuimara, ne torojuve tenajiyepre ayu ũi purubuoꝝiyede, ye ámevu ámemá áiyede ũi cuede cáreja náque. Nopedeca ji bueimara torojurivu ji cuede náque, ámevu ámemá áiyede.

²⁰ Ūbenita ji mauva ne nuvarajiyede yure, ji bueimara chíoiꝝy ámenajarama áiyede, arejameđa Jesús.

²¹ Cojedeca Jesús buedejameđa náre:

—Pöeva jëomema cuitótecaje mamacaje joabecajei javecaröre. Nópe đaru, no jëoičajeva mamacaje jađevajebu javecaröre. Que đaru, püeno baju járojebu codeicobe. Quédeca ñame buojabema ju aivu ji bueiye mamaene aru javeque bueiyeđe máre. ²² Pöeva yuabema vino úyaicorore mamacorore áimacaje curubu javecacurubuque. Que đaru, codeóvajebu dicurubure. Yuri bíjajebu dicoro. Aru bíjajebu dicurubu máre. Ūbenita ne yuaru mamacorore mamacurubuque bíjajebu dicoro. Quédeca ñame buojabema đaiꝝy yópe ji bueiye mamaepe, đare nuivꝝy baru yópe ne jave đaiye báquepe, náre arí buedejameđa Jesús.

Jesúí bueimara ne puꝝoino oteiyede

jabuóvájáravu

(Mt 12.1-8; Lc 6.1-5)

²³ Apejáravu, judíovai jabuóvájáravu sábadoi, Jesús vaidéjameđa oteiyé curíoi ũi bueimaraque. Aru ũi bueimara jënejaimađa iye oteiyede. ²⁴ Apevu fariseova jëniari járejaimađa úre:

—Jájacu. ¿Aipe teni mi bueimara đaiꝝyba ámeno, maja judíova maje đaicójemenoꝝe, jabuóvájáravure? arejaimađa na.

²⁵ Ūbenita Jesús, ũi dápiaye boje ũi bueimara ámeno đabevure, arejameđa náre:

—¿Jáve árumetenaru muja yo David bácuí đaino mácaröre, úre jauéde aru ávué ijíéde úre, úque curivure máre?

²⁶ Ū mácu ecorejaquemavu Jümenijicui cürami, Abiatar bácu ũi sacerdotevare jaboteiye báquede. Aru árejaquemavu páure, Jümenijicure jíye báquede, ina

sacerdoteva ne áiyede, sacerdote ámeꝝy bácavacari. Aru jídejaquemavu úque curivure máre, sacerdoteva ámevu bácavureca. Ūbenita Jümenijicu ñájine đabedejaquemavu na mácavure, arejameđa Jesús.

²⁷ Cojedeca Jesús arí buedejameđa:

—Jümenijicu epedejaquemavu jabuóvájáravure pöevare boje. Ūbenita epedejaquemavu pöevare dijáravure boje.

²⁸ Yu, Jümenijicui daroimꝝy mácu úmure, jabocubu yu. Que baru đaicójeni buoiaivu yu pöevare ne đaiyede caijáravuare aru jabuóvájáravuare máre, arejameđa Jesús.

Jesús ũi meadaino úmu ámuve

jiacubecure

(Mt 12.9-14; Lc 6.6-11)

3 ¹ Bedíova Jesús ecorejameđa cojedeca judíovai cójijíñami. Noi curejameđa cüinácu úmu, ámuve cüinápüravu jiacubecu. ² Aru fariseovacavu Jesúre coreni járejaimađa. Jesús ũi meadaru ñai úmure, ámuve jiacubecure, judíovai jabuóvájáravu sábadoi, jáiyurivꝝy, boro coyurí adaiyuríduivu barejáimada úre. ³ Dinumuma Jesús arejameđa ñai úmu ámuve jiacubecure:

—Nacajari nújacu pöeva jëneboi, arejameđa Jesús.

⁴ Aru arejameđa apevu noi curivure:

—Jëniari jáquijivꝝy cüináro mujare. ¿Yéde đaicójeini Jümenijicu jabuóvájáravure, mearore o ámenore; meadaru pöevare o boarí jaruvuru náre? arejameđa Jesús.

Ūbenita bi arejaimađa na. ⁵ Que baru Jesús jararí chíorejameđa, ne coreóvabe boje. Aru arejameđa ñai úmu ámuve jiacubecure:

—Jabióvajacu mi ámuvede, arejameđa Jesús.

Ū jabióvaiyede meatedejavúya ũi ámuve. ⁶ Que teni ina fariseova etaiꝝy bácavu cójijidejaimađa Herodede cađateipöevaque. “Boarí jaruvarájavu”, arí dápiavꝝy barejáimada Jesúre.

Jesús ũi meadaino obedivꝝy pöevare

macajitabu urabu écarui

(Mr 4.1; Lc 5.1-3)

⁷⁻⁸ Jesús apevure dajocarí nurejameđa macajitabu urabu écarui ũi bueimaraque.

Obedivũ pöeva cujurejaimada ùi yóboi, Galilea aru Judea ãmicurijoboröacavũ, Jerusalén ãmicuriiमारocavũ, Idumea ãmicurijoboröcavũ, aru Jordán ãmicuriya jia apedüvecavũ: Tiro aru Sidón ãmicuriiमारocavũ máre. Obediyajuboa pöeyajuboa nũrejaimada ùi yebai, jápiaivũ ðayure urarö pöeva ne ðarí majibede. ⁹Aru Jesús arejameða ùi bueimarare:

—Meaðarí corejarã jiadocũre, pöeva obedivũ ne ðaríburu, jatujivarí, ne chítomenajipe yure, arejameða Jesús.

¹⁰Obedivũ ùi meadaiye báque boje, apevũ ijimara ùre chítorejaimada, tuoiyuríduivũ ùre.

¹¹Aru ina abujuva ne ñmama máre Jesúre jári, mori turí codoborejaimada ùre:

—Mũrecabu Jũmenijicũ mácu, arí codoborejaimada.

¹²Ûbenita Jesús yávaicöjemenejameða paruröque, apevũ ne coreövabenajipe ayũ ùi ðaiyede.

**Jesús ùi beoino ùi yávaie méne
coyucöjearava**

(Mt 10.1-4; Lc 6.12-16)

¹³No yóboi Jesús muri nũrejameða cũracũ. Aru órejurejameða ùi umarare.

¹⁴⁻¹⁵Beorejameða doce paivure. Aru epedejameða náre ùi yávaie méne beorí coyucöjearare, ne yóvarãjipe ayũ ùre aru jarocũyũ náre ne coyurãjipe ayũ Jũmenijicũ yávaiyede. Paruéde jídejameða náre, ne jaetovarãjipe ayũ abujuvare. ¹⁶Jesús epedejameða ina doce paivure: Simón ãmicucũ bácuire ãmidorejameða Pedro. ¹⁷Zebedeo mácu Santiago, aru Santiagoi yócu Juan máre, ãmidorejameða náre Boanerges, öpo tuinoi mára ayũ. ¹⁸⁻¹⁹Apevure máre beorejameða Jesús: Andrés, Felipe, Bartolomé, Mateo, Tomás, Alfeoi mácu Santiago, Tadeo, Simón ãmicucũ Celote, aru Judas Iscariote máre. Ñai marejámeða jëni jícuũ Jesúre ùi mauvare. Que teniburu yóboi, Jesús ecorejameða cũrami.

**“Abujuvai jabocũ paruéde cuvabi ù”
arí, ne boro coyurí aðaríduino Jesúre**

(Mt 9.34; 10.25, 12.22-32;
Lc 11.14-23, 12.10)

²⁰Bedióva cójjidejaimada obedivũ pöeva. Aru ãicöjemenejaimada

Jesúre, ùi bueimarare máre. ²¹Pöeva “Árũmemi” ne are cuiye boje ùre, ù jivũ jápiarí, nũrejaimada, ùre jënanũivũ.

²²Ûbenita ina Jũmenijicũ yávaie báquede bueipöeva, ëmeni ðaivũ bácu Jerusalén ãmicuriiमारore jocarí, arejaimada:

—Cũvabi Beelzebũre. Que baru abujuvai jabocũ paruéque jaetovaibi abujuvare, arejaimada.

²³Jesús náre óreyayũ bácu ùi yebai, yópe corejurejameða:

—¿Aipe teni buojaidica abujuvai jabocũ jaetovayũ ùi baju? ²⁴Cũináro jaboröcavũ ãðamateivũ baru ne bajumia, ina jaboröcavũ cũinájarama na. ²⁵Aru nopedeca cũináðami cũramicavũ ãðamateivũ baru ne bajumia, diñamicavũ cũinájarama na. ²⁶Aru nopedeca bájebu ñai abujuvai jabocũ, jaetovayũ baru abujuvai jabocũre. ãðamateyũ bájebu ùi bajuma. Aru jaetovayũ baru abujuvare, joe parucũ cubejebu ù.

²⁷Ûbenita buojaino ãmevũ ecoivũ ñai ùmũ parucũ cũramine, ñavarajivũ ùi cuvæde. Mamarũmũre ùre buorí, que ðaivũ bácuva buojaiyũ ñavaivũ ùi cuvæde, arejameða Jesús.

Nópe ayũ, Jesús yópe aiyũcu barejaquémavũ: Ëvacari parubi abujuvai jabocũ pũeno, ùi jaetovaiye boje abujuvare pöevare jocarí.

²⁸Aru Jesús arejameða:

—Jãve coyũyũbu mujare: Jũmenijicũ ãrũmetecũyũme caiye iye muje ãmeina teiyede, aru caiye iye Jũmenijicũre ãmeina yávaiyede máre. ²⁹Ûbenita ácu pöecu ùi yávaru ãmeina ñai Espíritu Santore, aipinũmu Jũmenijicũ ãrũmetecube ùi ãmeina teiyede. Quéðata boropatecũyũme, bíjacũyũ Jũmenijicũre jocarí cainũmũ, náre arí buedejameða Jesús.

³⁰Nópe arejameða Jesús, ina Jũmenijicũ yávaie báquede bueipöeva “Ñai ùmũ cuvabi abujucũre”, ne borocurí yávaie boje ùi borore.

Jesús ù jina ne voino ùre
(Mt 12.46-50; Lc 8.19-21)

³¹Dinũmũre Jesúí yóva aru jípacó máre earí, jedevamia mauteni

órejaicójenajaimada úre. ³²Aru ina pöeva obedivu dobarivu ñi curöi arejaimada úre:

—Mipaco aru míyova máre jedevai cüma. Aru vodama mure, arejaimada úre.

³³Aru Jesús arejamedá:

—¿Namema jipaco aru jíyova? jēniari járejamedá Jesús.

³⁴Ina pöeva obedivu dobarivure ñi curöi jári, arejamedá:

—Yuibu jipaco aru jíyova máre. ³⁵Que baru caivu ina daivu Jūmenijicui uröpe, nárecabu jíyocupe páyu, aru jíyocope pádo, aru jipacope pádo máre, arejamedá náre Jesús.

“Oteipöecure” jári dápiari ne darājiyepe aino

(Mt 13.1-9; Lc 5.1-3, 8.4-8)

4 ¹Apejāravu Jesús buedejamedá cojedeca macajitabu urabu écarui. Aru obedivu pöeva cójjidejaimada ñi yebai. Que baru jiadocū écaru joabenoí curicüre jári, jaturí dobarejamedá dicūra, buesuyü pöevare. Aru caivu ina pöeva curejaimada macajitabu urabu écarui. ²Náre buedejamedá jári dápiari ne darājiyepe ayu caijīe apejīene. Aru arejamedá ñi bueiyeque:

³—Jápiajarā. Yui oteipöecu otesññquemavü. ⁴Ûi oteiyede ape oteye tñquemavü ma écarui. Aru mǐjina darí, āradaquemavü caiye iye oteiyede. ⁵Ape oteye tñquemavü joborō edubenoí cūraboa pñenoí. Nore joborō yaurijīe cūbeniburu, maumejiena píari etaquemavü. ⁶Ûbenita avía ñi boiyede équemavü. Aru nuomua ñmujurimua cūbeni, yaiquemavü. ⁷Ape oteye tñquemavü miucña jēneboi. Aru yóboi miucña bucürí, muiní, chíoyede, jēiye jēmetequemavü. ⁸Aru ape oteye tñquemavü mearo joborōi. Aru jēiye jēquemavü, apeñü jēiñü treinta paivua, aru apeñü jēiñü sesenta paivua, aru apeñü jēiñü cien paivua, caiye oteiyabea coapa, náre arí buedejamedá Jesús.

⁹Dinñnu Jesús arejamedá náre:

—Me jápiajarā mǐja iye ji bueiye, arejamedá Jesús.

Aipe aiyuröre Jesús ñi jári dápiari ne darājiyepe aino

(Mt 13.10-17; Lc 8.9-10)

¹⁰Jesús ñi cuede cūinácüva, apévü ñi yebai joabenoí curivu aru ñi bueimara máre jēniari járejaimada úre:

—¿Aipe teni bueyürü mü jári dápiari ñuje darājiyepe ayu mi coyuiyeque? arejaimada.

¹¹⁻¹²Jesús arejamedá náre:

—Mujare coyurí majide dayubu yu Jūmenijicu ñi coyucójeme máquede. Û jaboteibi mujare, ñi pöevare. Ûbenita ina ñi jaboteimara āmevü, yópe jedevai curivupe, diede majibema. Quéda jári dápiari ne darājiyepe ayu bueyubu yu náre, jáivureca, ne jári majibenajiyepa ayu aipe aiyuröre ne jáiyede, aru jápiaivureca, ne jápiari majibenajiyepa ayu aipe aiyuröre ne jápaiyede. Na majidivü baru, chíori oatuvajebu ne ñaiyede. Jūmenijicure ju aru, ārumetejebu ñ ne āmeina teiyede, arejamedá Jesús.

Jesús ñi coyüino aipe aiyuröre “oteipöecure” jári dápiari ne darājiyepe aino

(Mt 13.18-23; Lc 8.11-15)

¹³Yópe arí, Jesús coyurejamedá ñi bueimarare:

—¿Majibenaru yo jári dápiari müje darājiyepe ayu ji ainore? ¿Aipe darí majinajivurü caiye ji jári dápiari müje darājiyepe ayu arí buiyede? ¹⁴Iye oteye Jūmenijicui yávaiyepa paiyebu. Aru ñai oteipöecu Jūmenijicui yávaiyede coyuröecure páyube. ¹⁵Aru inamu ma écarui oteye turíduye báquepe paivü. Náre coyuiyede Jūmenijicui yávaiyede jápiadama, ubenita coreóvari eabevüva. Que baru ne jápiaríburu yóboi, ñai abujuvai jabocu darí, ārumetede ñabi Jūmenijicui yávaiyede, ne jápaiye báquede. ¹⁶Aru inamu joborō edubenoí, cūraboa pñenoí, oteye turíduye báquepe paivü. Jūmenijicui yávaiyede jápiari, torojñma me. ¹⁷Ûbenita Jūmenijicui yávaiyede ju aríduyama. Que baru quíjino

yóboi, pōeva ne cārijovaru aru ñájine ðaru náre, ne ju aiyे boje, maumena ðajocadama ne ju aiyede Jūmenijicui yávaiyede. Que teni ju abema na. ¹⁸⁻¹⁹Aru inamu miucua jēneboi oteiyе turiduiye báquepe paivу. Na máre jápiaivу Jūmenijicui yávaiyede, ũbenita cārijināma ijāravуquede. Torojuma tāturaque. Aru cūvaiyuma caijīe apejīene. Que baru dāpiadama caiye diede. Ũbenita dāpiabema Jūmenijicui yávaiyede. Que baru Jūmenijicui cadatebebi náre ũi yávaiyeque yópe ũi ũrópe. ²⁰Ũbenita inamu mearo joborōi oteiyе tuiye báquepe paivу. Jūmenijicui yávaiyede jápiadama. Aru diede ju adama. Nárecabu ju are ðaivу apevу pōevare, apevу treinta paivure, apevу sesenta paivure, aru apevу cien paivure, arī buedejameda Jesús.

“Pēoibure” jári dāpiarī ne ðarājiyеpe aino

(Mt 5.15, 7.2, 10.26, 13.12, 25.29; Lc 6.38, 8.16-18, 11.33, 12.2, 19.26)

²¹Cojedeca Jesús, yópe arī, buedejameda náre:

—¿Pōecu ðavaiði pēoibure, ñōcуu ðibure puebу cāchinoi o paraino cāchinoi? Bi, quénora tuoibi ðibure jocuve pñenora. ²²Que baru caiye yaveiyе báque jároquiyebu. Aru dupiówaiye báquede máre járajarama caivу pōeva. ²³Me jápiajarā muja iye ji bueiyeде, arejameda Jesús.

²⁴Aru cojedeca, yópe arī, buedejameda náre:

—Me dāpiajarā muje jápiaiyede ji bueiyeде. Yópe pōeva adama: “Mi corevacaru apecure cūináru jororuque, ðiðumica Jūmenijicui corevacacуume mure. Aru jícуume pñeno baju”.

²⁵Nopedeca ñai jápiaiyure Jūmenijicui yávaiyede Jūmenijicui pñeno baju ũi majiéquede jícуume ũre. Ũbenita ñai jápiabecure Jūmenijicui yávaiyede, iye ũi quíjino majiéde Jūmenijicui ũre ícуume, arejameda Jesús.

“Oteiyе bucūinore” jári dāpiarī ne ðarājiyеpe aino

²⁶⁻²⁷Cojedeca Jesús arī coyurejameda:

—Jūmenijicui jaboteino yópe painotamu. Cūinácu ũmu ũi oteiyе epeiye joborōi, oteni buojarī cāimi ũ ñamiá coapa aru coedaibi jāravua coapa. Que teni ārumemi diede, oteiyе báquede. Ũi oteiyе bucūivу, ũbenita ũi majibedeca. ²⁸No joborō bucure ðaivу no bajumia. Mamarumу etaivу cainiñу. No yóboi etaivу yoca. No yóboi baji etaivу ðiñу jēiyoa. ²⁹Aru jēijāravу eaiyede, jēiyoa coboiyede, pōeva jēñaima ðivuáre, arejameda Jesús.

“Oteiyabe mostazare” jári dāpiarī ne ðarājiyеpe aino

(Mt 13.31-32; Lc 13.18-19)

³⁰Jesús arejameda:

—¿Yépe ārojari yo Jūmenijicui jaboteino? ¿Yéque jári coyurājidi maja nore? ³¹Yópe mostaza āmicuriyabe oteiyabepebu. Cūinácu ũmu ðiyabede ñni, oteibi joborōi. ðiyabedecabu oteiyabe quíjiyabe caiye oteiyе pñeno. ³²Ũbenita ũi oteniburu yóboi, bucūri muivу ũracu ape oteiyе pñeno. Aru ðicu cavabua ũracavabua nuivу. ðicu taino cāchinoi, mífjina ne juaiboa ðadama, arejameda Jesús.

Nopedeca mamarumure Jūmenijicui jaboteino quíjinotamu, pōeva obebevу ne cue boje noi. Ũbenita Jūmenijicui yávaiye méne coyurīburu yóboi, ũrarótamu no Jūmenijicui jaboteino, obedivу pōeva ne cue boje noi.

Aipe teni Jesús ũi bueino jári dāpiarī ne ðarājiyеpe aiyede

(Mt 13.34-35)

³³Yópe arī, buedejameda Jesús Jūmenijicui yávaiyede jári dāpiarī ne ðarājiyеpe ayу. Ne jápiarī coreóvarājiyеpe ayу buedejameda náre cainumua.

³⁴Coyure curejameda cainumua jári dāpiarī ne ðarājiyеpe aiyеque ũi bueinore. Ũbenita coyurejameda ũi bueimarare aipe aiyuede iye jári dāpiarī ne ðarājiyеpe aiyede.

Jesús ũmevure ũi bjaroino

(Mt 8.23-27; Lc 8.22-25)

³⁵ðijāravumica nainújie baji Jesús arejameda ũi bueimarare:

—Járica, macajitabu urabu apeduvei nurevu, arejameđa náre.

³⁶Quénora dajocarí nurejaimađa, núvaivu Jesúre pöevare jocarí jiađocúi. Apevu pöeva nurejaimađa jiađocúi, náre coapa yóvaivu náre. ³⁷Aru jataivure japurejavýya úmevu paruró baju. Pácaiboa coipe boje jiađocúi, buidjéjavýya dicüre oco. ³⁸Ubenita Jesús cáñu marejámeđa japuvaino yebai. Tüorejameđa jabuóvaiboi. Aru coedavarí, arejaimađa úre:

—¿Mü jidübecurü maje corájinore? arejaimađa.

³⁹Jesús coedarí jararejameđa úmevure. Aru arejameđa macajitabure:

—Quénora, pácamejabu, arejameđa Jesús.

Que aiyede, úmevu bíjacunari, pácamenejavýya díbu macajitabu. ⁴⁰Que teni Jesús arejameđa úi bueimare:

—¿Aipe teni jidurivurü müja? ¿Aipe teni “Jesús meadacuyume nüjare”, abevurü müja? arejameđa.

⁴¹Jesús úi que aiyede, cucumari arejaimađa ne bajumia:

—¿Yécuba ñai yópe ñayü, úmevu aru macajitabu máre ju aimü? arejaimađa na.

Jesús úi meadaino úmü abujuva ne ímamure

(Mt 8.28-34; Lc 8.26-39)

5 ¹No macajitabu urabure jatari nuri, apeduvei jatarejameđa Jesús úi bueimaraque. Diduvei curejaimađa na, Gerasa ámicurócanü. ²Aru Jesús úi maiyede jiađocüre jocarí, maumejiena copü nurejameđa cúinácü úmü, abujuva ne ímamü. Yaivu bácanü ne baju bácaróre japuvainore jocarí etarejameđa. ³Cucu barejámeđa noi. Aru ñame buojabedejaimađa buoivu úre táumeaque. ⁴Cainumua úre úi árađoare aru úi ámuveare máre táumeaque buoridurejaimađa. Ubenita die úi ámuveare ne buoyede cobururü burarí, die úi árađoare ne buoyede máre pëvari buravarejameđa ú. Tuijibua ñarí dajocavarejameđa

ñai abujuva ne ímamü. Aru pöeva úre jéivu parubedejaimađa na. ⁵Járvua aru ñamiá coapa cuyü barejámeđa cođoboborí cüracúai aru pöeva ne yaivu bácanü jaruvainoi. Úi bajure jiađodovari, churiá teni, jive copidejameđa. ⁶Ubenita Jesúre joai jári, cúyarí nuri, ñuatutarejameđa úi yebai. ⁷Aru bujé cođoboborí, arejameđa:

—Mü, Jesús, Jümenijicui mácu, caivu püeno paracui mácu, ¿yéde ucürü yúque? Jëniaivu müre Jümenijicuque, ñájine dabejacu yure, arí cođoboborejameđa Jesúre.

⁸Nópe arejameđa, Jesús úi aiyé báque boje jipocamia: “Müja, abujuva, etajará ñai úmure jocarí”, ayü barejámeđa Jesús. ⁹Aru Jesús jëniari járejameđa:

—¿Yécu ámicucurü mü? arejameđa.

Jü arí arejameđa:

—Obedivübu nüja. Que baru Obecu ámicuvü yu, arejameđa.

¹⁰Pare jëniarejameđa Jesús úi jarobequiyepe ayü náre ne curóre jocarí. ¹¹Curejaimađa noi cüracú yebai obedivu oteiváruva, áre cuivu. ¹²Aru jëniarejaimađa ina abujuva Jesúre:

—Jarojacu nüjare ina oteiváruva, nüje corájiyepé nára, arejaimađa na.

¹³Dinumuma nuicójenjameđa náre Jesús.

—Nujara, arejameđa.

Aru ina abujuva etarí, corejaimađa ina oteiváruva. Na marejámeđa pucamil paivu baju. Cúyarí nuri, türejaimađa cüracú émeino, macajitabu urabui. Turí, corí bjarejaimađa na. ¹⁴Diede jári, ina oteiváruva mácanü coreipöeva cúyarí nurejaimađa, coyüivu uráimaroai aru ímaro curóvaquede máre. Que baru obedivu pöeva, “¿Aipe tenama?” arí, járanurejaimađa. ¹⁵Jesús yebai núvu, járejaimađa ñai úmü abujuva ne ñájine ñaimü mácu dobacure, cuitótecajede doyure, meacure cari. Aru jidurejaimađa úre. ¹⁶Coyurejaimađa ina jáivu bácanü Jesúí ñaiye báquede aru aipe vaino mácaróre ñai úmü abujuva ne ímamü mácnü, ina oteiváruva máre. ¹⁷Quénora “Nüjacü”, arejaimađa Jesúre

parurõque. Etaicõjenejaimada úre ne curõre jocarí.

¹⁸Aru Jesús ùi jatuiyede jiadocúi, jaturídurejameða ñai ùmu abujuva ne ímamũ mácu. Jëniaridurejameða parurõreca cuiyucu úque. ¹⁹Ûbenita Jesús yóvaicõjemecu arejameða úre:

—Nujacu mi cûrami, mívu yebai. Aru coyujacu caiye iye urarõ Jûmenijicu ùi ðaiyede máque, aru aipe ùi cõmaje ároje jáinore mure, arejameða Jesús.

²⁰Nuri, coyurí búrejameða Decápolis ámicuríjoborõcaímaroai caiye iye Jesús ùi ðaiye báquede úre. Aru caivu cuicumarejaimada jápiaivu ùi que ainore.

**Jesús ùi nacovaino Jairoi máco
bácore aru ùi meaðaino nomió
ñájiñore jiveque**

(Mt 9.18-26; Lc 8.40-56)

²¹No macajitabu urabu Jesús jatayu bácu cojedeca apedavei jiadocúi, cójijidejaimada obedivu põeva ùi yebai. Aru ùi carejameða macajitabu urabu écarui. ²²Ûi yebai earejameða cûinácu judíovai cójijiñamine coreipõecu, Jairo ámicucu. Aru maumejie járina ñuatutarejameða Jesúí cuboba yebai.

²³Urarõreca jëniari, arejameða Jesúre:
—Jímaco yaiyóta tebico õ. Yáque darí, tuojacu óre mi puruque, õi yaibécojiyepo ayu. Aru cucodome õ, arejameða Jesúre.

²⁴Ûi que aiyede, Jesús nurejameða úque. Cujurejaimada náre obedivu põeva. Aru cojivare nurejaimada Jesúre. ²⁵Ne jëneboi cûináco nomió carejacoða. Doce paíujua baju íjimo marejácoða jive yuiyegue. ²⁶Pare ñájiño mácore, obedivu juoipõeva juorídurejaimada óre. Aru bojedari jaruvarejacoða caiye õi cuvae báquede, bojedacodo ina juoipõevare. Ûbenita ye meatebedejavüya. Quédata pueno baju íjino nurejavüya óre. ²⁷Jesús ùi põevare úmedavaiyede borore jápiaido báco, nurejacoða ùi yóboi obedivu põeva jëneboi. Aru jëni járejacoða ùi doicajena. ²⁸Yópe arí dápiarejacoða õ: “Yu jëni jádo maru ùi doicajede, quénora úmedacodomu yu”, arejacoða õ.

²⁹Maumejiena õi jëni jáiyede, bíjarejavüya õi jive yuino mácarõ. Aru dápiarejacoða caino õi baju meateni nuinore. ³⁰Ûbenita Jesús majicu ùi baju ùi paruecarõre etaiyede úre jocarí, copedini, ina obedivu põevare arejameða:

—¿Ñame matedí yure jëni jádo ji cuitótecajede? jëniari járejameða Jesús.

³¹Ûi bueimara arejaimada Jesúre:
—¿Obedivu põeva cojivare daivure jáñuvacari, “¿Ñame matedí yure jëni jádo?” ayurü mu? arejaimada na Jesúre.

³²Ûbenita járidurejameða caino ùi curõvare, jáiyucu ñame jëni jádo mácore úre. ³³Que teni ico nomió bidini jiduco, majico Jesús ùi úmedavaino mácarõre óre, nuri ñuatutarejacoða ùi jipocai. Aru coyurejacoða jáve õi ðaino mácarõre.

³⁴Jesúcapuravu arejameða óre:

—Mu, ji umo, “Û meaðaiye majibi yure”, arí dápiarebu mu. Que baru mi que arí dápiayiye boje, meaðaivu mure. Ména nuri cuyaco mu. Caride meateivu, arejameða óre.

³⁵Ûi boroteiyede óque, earejaimada ina judíovai cójijiñamine coreipõecui cûramicavu. Jairore arejaimada na:
—Javeta mímaco yaibíco õ. Quénora cárijovamejacu bueipõecure, arejaimada.

³⁶Ûbenita Jesús jápiaiyu bácu ne yávainore, jápiabecupe teni, arejameða Jairore:

—Jidubejacu mu. Quénora ju ajacu ji coyuinore, arejameða Jesús.

³⁷Aru apevure nuicõjemeni, nuvarejameða Pedrore, Santiagore, aru Jüare, Santiagoi yócore máre.

³⁸⁻³⁹Nurejaimada Jairoi cûrami. Cójijivure jári, aru codoborí oivure jári, aru cõmaje ároje teivure máre jári, ecorí arejameða Jesús:

—¿Aipe teni cójijini bujiéque oivurü muja? Ó yaiyó ámemico. Quénora cãdotame, arejameða.

Náre nópe arejameða Jesús, ùi majié boje ùi nacovaquinore óre yainore jaruvarí. ⁴⁰Ûi que aiyede, yuridejaimada úre. Ûbenita Jesúcapuravu náre etavarí, jarorejameða jedevai. Jípacure íni, aru

jípacore ñni, aru éque curivure máre ñni, ecorejameđa juedoco bácoi curitucubui.

⁴¹ Ó mácoi purure jēni, “Talita cumi”, arejameđa óre Jesús. “Juedoco, nacajajaco”, ayu barejameđa, óre que ayu.

⁴² Cūiná ico juedoco, doce paiujua cūvaco, nacajari, vaivárejacoda. Aru ina jáivu bácvu pare cuicumari dápiarejaimađa. ⁴³ Ūbenita Jesús apévure coyucōjemenejameđa náre iye ũi daiye báquede. Aru “Áiyede jíjará óre”, arejameđa Jesús.

Jesús Nazarei ũi nuino

(Mt 13.53-58; Lc 4.16-30; Jn 4.44)

6 ¹ Jesús nurejameđa nore jocarí, copainuñ ũi joborói ũi bueimaraque. ² Aru judíovai jabuóvairavuvu sábadoi bueni búrejameđa judíovai cójijijnami. Ina obedivu pōeva úre jápiaivuvu cuicumari arejaimađa:

—¿Ároqueba caiye iye daiye? ¿Yéba iye úre majide daiye, aru iye daiye pōeva ne đarí majibede? ³ ¿Ñai ámeni jocure memepōecui mácu? ¿Ñai ámeni Maríai mácu? ¿Santiago, José, Judas, aru Simón máre némmamicu ámeni? ¿Ūi yórómiva máre cubedi majaque yui? arejaimađa na.

Que arí, ámeina járejaimađa úre.

⁴ Ūbenita Jesúcapūravu arejameđa náre, ne ju abe boje:

—Cubebi Jūmenijicui yávaiyede coyucaipōescu ne pueďaimu ũ jivu aru ũi cūramicavuvu máre ũi joborói, arejameđa.

⁵ Que baru đabedejameđa pōeva ne đarí majibede nore. Quénora obebevu ijimarare ũi puruque tuorí meadarejameđa. ⁶ Chīori dápiarejameđa pare ne ju abe boje úre.

Jesús ũi jaroino ũi bueimarare

(Mt 10.5-15; Lc 9.1-6, 10.4-11; Hch 13.51; Stg 5.14)

Jesús buede nurejameđa cainoa ímaroa coapa. ⁷ Cūinájāravu ina doce paivu ũi bueimarare órearejameđa ũi yebai. Jídejameđa ne paruéva, ne

jaetovarājiyepere ayu abujuvare. Aru jarorejameđa pūcarā matuiyeda, ne coyurājiyepere ayu Jūmenijicui jaboteinoque yávaiye méne.

⁸ Nūvaicōjemenejameđa apejiēne ne nuinore, páuboare, aru curubūare, aru tāuturare máre ne járíoicāvai. Quénora nūvaicōjemenejameđa ne tuturiteyoava ne nuinoi. ⁹ Aru doicōjemenejameđa ne curaidoare. Ūbenita nūvaicōjemenejameđa náre pūcacajea cuitótecajear. ¹⁰ Que baru arejameđa náre:

—Ári muja ecoivure ímaroi, cūjará cūinácu cūrami upacuque pu dajocarí nuivuta nore jocarí. ¹¹ Aru apenoi ne copu etabedu mujare, aru ne jápiaiyubedu iye yávaiye méne, etarí mujara. Aru pūpejará jobore mujare jēiyede muje cuboba cāchinoi ne jáiyede, ne jápiaiyube boje. Que teni dīímarocavuvu coreóvarājarama ju abevure Jūmenijicure aru mujare máre, arejameđa Jesús.

¹² Que aríburu yóboi, etarí nurejaimađa ũi bueimara, yópe arí coyurājivuvu pōevare: “Chīori dápiarí dajocajará muje ámeina teiyede, Jūmenijicui árumetequiyepere aivu diede”.

¹³ Jaetovarejaimađa obedivu abujuvare. Aru obedivu ijimarare olivo ámicuricu jéidua córoque yuarí meadarejaimađa na.

Juan Bautista bácu ũi yaino

(Mt 14.1-12, 16.14; Mr 8.28; Lc 3.19-20, 9.7-9, 19)

¹⁴ Dinuvu ñai jabocu Herodes jápiarejameđa Jesúi borore, cainoacavuvu ne yávaiye boje úre. Aru arejameđa:

—Juan Bautista, yayú bácu, nacajacube yainore jaruvarí. Que baru yópe parucube ũ, ũbenina arejameđa Herodes.

¹⁵ Apevu arejaimađa: “Úrecabe Elías”. Aru apevu arejaimađa: “Jūmenijicui yávaiyede coyucaipōescube. Jūmenijicui yávaiyede coyucaipōeva mácvupe páyube ũ”, ávarejaimađa pōeva Jesúi borore. ¹⁶ Ūbenita Herodes, jápiayuvu Jesúi borore, arejameđa:

—Ñaime Juan Bautista, ji buravacamü üi jipobüre, nacajañu mácu yainore jaruvarí, übenina arejameða.

¹⁷Nópe dápiarejaquemavu Herodes, Juan Bautistare, apücure cäreja, üi yaiquíye jipocai, Herodei buoicöjeiye báque boje úre. Buoicöjenejameða, jacocuyü ämeina teivure jëni jacoñami, yópe Herodei márepaco Herodíai uröpe. Nópe urejacoda, öi jorojíye boje, üi ämecoroíye báquede Herodeide, üi cavae boje öre, ímacu Felipei márepacore.

¹⁸Javeðu Juan Bautista bácu ávarejameða Herode: “Jümenijicui ðaicöjeiye üi coyüiye báque Moisés bácu cüvaicöjemevu müre apecui márepacore”, ávarejameða úre.

¹⁹Que baru Herodías jararí pare übedejacoda Juan Bautistare, apücure cäreja. Úre boarí jaruvaiyuridurejacoda. Übenita majibedejacoda ö. ²⁰Aru Herodes jidure curejameða Juan Bautistare, apücure cäreja, üi majié boje meacure aru mearo ðayure.

Herodes cärijíñu mácuvacari Juan Bautistai coyüiye báque boje, torojurí jápiarejameða úre. Aru meadarejameða úre, apücure cäreja. ²¹Übenita cüinájaravu, üi äruñjaravu eaiyede, Herodei pöteijjaravu bácaröre torojüve teino ðarejameða ü. Cuturejameða caivu ina jabovare, churara jabovare, aru Galilea ämicurijoboröcavu parüvüre máre. Dijjaravu Herodías coreóvarejaquemavu aipe boarí jaruvarí buojacodore Juan Bautistare. ²²Herodíai máco nuri, uparí, cojuyarejacoda Herode aru üi cutuimarare máre. Que baru Herodes arejameða öre:

—Jíquiývü müre mi uröre, arejameða.

²³Aru paruéque arejameða öre:

—Jíquiývü müre yéde mi uröre. Yüre ñájine ðajacurí Jümenijicü, ji ðabedu yópe ji ainope. Coricaita ji jaboteni cüvaröre jíquiývü müre, arejameða cojedeca.

²⁴Näre jocarí, etarí nuri, jëniari járejacoda jípacore:

—¿Yéde jëniayi úre? arejacoda.

Aru jípacu jëniaicöjenejacoda öre:

—Juan Bautistai jipobüre jëniajaco, arejacoda.

²⁵Maumena copainuri ñai jabocu yebai, arejacoda:

—Jíjacu yüre carijíe Juan Bautistai jipobüre jororuque, arejacoda ö Herode.

²⁶Öi jëniainore jápiarí, chíorejameða pare. Übenita üi aiye báque boje paruéque, aru üi cutuimarare cüveni, ju abeni majibedejameða ü. ²⁷Que baru maumena boaipöecure jarorejameða, üi davaquiyepe ayü Juan Bautista bácu jipobüre. ²⁸Ämeina teivure jëni jacoñami nuri, burarí buojarí nüvarejameða Juan Bautista bácu jipobüre jororuque. Jídejameða ico nomió bojuyore. Aru jídejacoda jípacore, öi majicojiiyepe ado Juan Bautista bácu jáve yaiyü bácu.

²⁹Aru cüiná jápiaivüva iyede, Juan Bautista bácu bueimara nüvarejaimaða üi baju bácaröre, jaruvarájivü cüracobe jívüi.

Jesús üi äre ðaino cüinápurupe paimil baju ümüvare

(Mt 9.36, 14.13-21; Lc 9.10-17; Jn 6.1-14)

³⁰Dinümü Jesús üi daroimara mácavu copainurejaimaða üi yebai. Aru úre coyurejaimaða caino ne ðaino mácaröre aru ne bueino mácaröre máre. ³¹Aru obedivü pöeva Jesújäre nuri, jári, copainurejaimaða. Que baru ina pöevacapüvavu äicöjemenejaimaða Jesújäre. Que teni Jesús arejameða üi bueimarare:

—Járica, majapeda jabuóvaränurajarevu ne cärijovamenoi, arejameða.

³²Que teni jiadocüi jaturí, nuri pöecubenoí, nuridurejaimaða na, Jesújä, pöevare jocarí nüivü. ³³Übenita náre nüivüre járejaimaða pöeva obedivü. Nüivüre jári, náre coreóvarí arejaimaða: “Jesújämu”. Que arí, cüyarí nuri, Jesújä ne earájinoi ne jipocai emeni, coredejaimaða na macajitabu urabu écarüi curíimaroacavu obedivü. ³⁴Aru ü jatayü bácu, écarüi mañu, ina

obedivũ pœvare jáñũ, náre cõmaje
ãroje járejamedã Jesús. “Ovejãva ne
coreipõescu cõbevũpebebu ina” arĩ,
bueni búrejamedã náre Jesús. ³⁵Urarõ
coyurĩ buedejamedã náre Jesús. Náre
bueni, nainúta marejávũya. Que baru
coyurãearejaimada na, ùi bueimara.

—Javeta nainútãmu. Aru yo
põescubenotãmu. ³⁶Mũ, bueipõescu,
pœvare ne ãrajiye bojedãicõjejacũ mũ.
Ëcarũcãvũ ne cũramia coapa aru noi
ĩmajinoai máre náre jarorĩ, “Áranũjara”
ajacũ mũ, arĩdurejaimada Jesúre ùi
bueimara.

³⁷—Mũja náre ãiyede jíjarã,
arejamedã Jesús.

Ëi bueimara arejaimada ùre:

—Doscientos pajãravũã memeiye
bãque bojeque obedivũre ne ãrajiye
pãũboare ne bojedãrãnuru, eabequiyebu
iye náre coapa, arejaimada.

³⁸Arejamedã náre:

—¿Aipiboa pãũboare cãvarãrũ mũja?
Jãranũrijide apa, arejamedã.

Aru na majidivũ bãcãvũ arejaimada,
ùre coyũivũ:

—Pãũboã cũinãpũrũpe paiboa aru moã
pũcarã cãvãvũ ñũja, arejaimada na.

³⁹Dinũmũre cõriã pũenora pœvare
dobaicõjenezamedã Jesús. Yajuboa
teni, náre dobaicõjenezamedã ù. ⁴⁰Ëi
dobaicõjeiyede, dobarejaimada ina
pœvacãpũravũ. Dobarĩ, yajuboa teni,
cainimea teni, dobarejaimada na.
Cincuenta paivũ cũriyajuboa aru cien
paivũ cũriyajuboa dobarejaimada na.
⁴¹Aru die pãũboã cũinãpũrũpe paiboa
aru moã pũcarãre jẽni, cavarõĩ jáñũ,
torojuede jídejamedã Jũmenijicũre.
Torojuede jíni bũojarĩ, pãũboare
cotũvarĩ jebeni, pœvare jícõjenezamedã
Jesús ùi bueimare. Aru moare máre
quédãca pœvare cotũvãrejamedã Jesús.
⁴²Aru caivũ ãri yapidejaimada na. ⁴³Ãri
bubarĩburu iye cotũvaiye bãque pãũ
aru moã máre pœva ne ãri oabede
ĩni, meadarĩ, pũebũã doce paibũare,
judĩovai pũebũare, buivãrejaimada ùi
bueimara. ⁴⁴Aru ina ãivũ bãcãvũ ùmũva
cũinãpũrũpe pãimil baju barejãimada na.

Jesús ùi cuino oco pũenora

(Mt 14.22-27; Jn 6.16-21)

⁴⁵Maumejiena Jesús
jãtuicõjenezamedã ùi bueimare
jãdocũi, ne nũrajiepe ayũ ùi jípcãi
apedũvei, Betsaida ãmicũriĩmaroi. Que
teni copãicõjenezamedã ina pœvare.
⁴⁶Ne nũriburu yõboi, Jũmenijicũre
coyũcũnũrejamedã cũracũi. ⁴⁷Ñami
marejávũya. Ne jãdocũ macãjitãbũ
ũrabũ coricãi cũrejãvũya. Aru Jesús
cũracũi cũrejamedã. ⁴⁸Nore cãcũ,
jãrejamedã ùmevũ cobainore náre.
Que baru jãtabedejaimada apedũvei.
Pare doarĩ ñãjinejaimada. Aru
jãravũcãpũravũ aviã ùi daquie jípcãi,
Jesús curĩ macãjitãbũ ùrabũ pũenora
nũrejamedã ne yebãi. Vaivãrejamedã
náre jocarĩ vaiyũpe. ⁴⁹Ëbenita ù
cuyure macãjitãbũ ùrabũ pũenora jãri,
jidũrivũ codõboborejaimada na:

—¿Põe decocũ bãcũ bãrica?
codõborĩ arejaimada na.

⁵⁰Caivũ ina ùre jãri, pare
cucumãrejaimada. Ëbenita maumena
náre coyũyũ arejamedã:

—Paruèque dãpiãjarã. Yútãmu Jesús.
Jidũbejarã mũja, arejamedã náre Jesús.

⁵¹Que arĩ, jãturejamedã ne yebãi
jãdocũi. Aru ùmevũ bĩjãrejãvũya. Que
teni cucumãri pare dãpiãrejaimada.

⁵²Coreóvãbedejaimada iye Jesús ùi
ðãiyẽ bãquede pãũboaque, ùi ãre
ðãiyẽ bãquede ina cũinãpũrũpe pãimil
baju ùmũvare. Que baru ye coreóvarĩ
majibedejaquemãvũ na.

Jesús ùi meadãino Genesãrecãvũ ijimãrãre

(Mt 14.34-36)

⁵³Jãtarĩburu yõboi, eãrejaimada
Genesãret ãmicũrijõborõĩ. Aru
bũorejaimada ne jãdocũre Ëcarũi.
⁵⁴Dicũre jocarĩ etãivũre, obedivũ
pœvã coreóvãrejaimada Jesúre.
⁵⁵Que baru cúyãrejaimada cãino
ne ìmaroãi, nũvarãjivũ ijimãrãre ne
parãinoãi, cãino cũrõãi, ne jãpiãiyede
Jesús cũcũre. ⁵⁶Cãino Jesús ùi ñũino,

ímaroai, aru ímajinoai, aru curõvaquei máre, ijimarare nuvari epedejaimada táibui. Ére jēniarejaimada, ũi jēni jáicõjequiyeye aivu ũi cuitótecaje turvarã. Aru caivu jēni jáivu meateivu barejaimada na, ijimara mácavu.

Iye pōevare āmeina tede ðaiye
(Mt 15.1-20)

7 ¹Dinũmu fariseovacavu apevu Jūmenijicui yávaiye báque bueipōevaque Jerusalén āmicurĩmarore jocarĩ etaiivu b́acavu earĩ, cõjjidejaimada Jesús yebai. ²Aru járejaimada ũi bueimaraçavure āivure ne puruáre cojabevũva. Ina fariseova dápiarejaimada caivure ne cojaiye jauéde ne ārajiye jipocai, Jūmenijicui mearo jáquiyeye aivu náre. ³Que baru ina fariseova āmeina járejaimada náre. Caivu fariseova aru caivu apevu judíova máre cainũmua cojavarejaimada, ne ārajiye jipocai. Nópe ðarejaimada ñujeñecuva mácavu ne ðaicõjeiye báquepe. ⁴Aru āiye bojedainore jocarĩ copaivu b́acavu cainũmua cuyavarejaimada ne bajure, ne ārajiye jipocai. Aru ape urarõ ñujeñecuva mácavu ne ðaicõjeiye báquede ðarejaimada na. Quédeca joavarejaimada ne jorouare, ne cõaiñũare, ne táucõaiñũare, aru ne paraiboare máre. ⁵Que baru ina fariseova aru Jūmenijicui yávaiye báquede bueipōeva jēniari járejaimada ére:

—¿Aipe teni mi bueimara ne puruáre cojabedi ne ārajiye jipocai? Yópe ārĩ majeñecuva mácavu ne ðaicõjeiye báquepe ðabema na, arejaimada na.

⁶Jesúcapūravũ arejamedã náre:

—Jãve Isaiás b́acu Jūmenijicui yávaiyede coyucarejaquemavũ mujare, jujovaiure. Yópe arĩ, Jūmenijicui toivaicõjenejaquemavũ ũi mácure:

Ina pōeva yure ju adama ne jijecamuque. Ūbenita ðabema yópe ji urõpe. ⁷Bojecubenoque mearore jñiduyama yure.

Bueniduyama pōeva ne bueinore

Jūmenijicui yávaiyeye, arĩ toivarejaquemavũ.

⁸Muja dajocarĩ jarũvaivũbu Jūmenijicui ðaicõjeiyede. Ūbenita ju arĩ ðaivũbu muja pōeva ne ðaicõjeiyede, arejamedã Jesús.

⁹Aru náre arejamedã cojedeca:

—Jãve dajocarĩ jarũvaivũbu muja Jūmenijicui ðaicõjeiyede, ðarãjivu yópe mujeñecuva mácavu ne ðaicõjeiye báquepe. ¹⁰Que baru Jūmenijicui coyũrejaquemavũ Moisés b́acure, ũi toivaquiyeye ayũ yópe: “Mipacure aru mipacore máre urĩ, ju ajarã. Ūbenita ñaine āmeno coyũyure jípacure o jípacore máre, muje jabova boarĩ jarũvajarãri ére”, arejaquemavũ. ¹¹Ūbenita muja bueivũbu yópe, “Cũinácũ pōecu jípacure o jípacore ayũ baru, ‘Mure cadateyũ buojabevũ. Mu jacopũjebu ji táuturare. Ūbenita jave jícacũ yũ Jūmenijicure ji táuturare’, ayũ b́ajebu ũ”, aivũbu muja. ¹²Muja ére cadateicõjemevũ b́ajebu jípacure o jípacore máre. ¹³Que teni Jūmenijicui yávaiyede bojecubepe ðarĩ, cõmajivũbu mujeñecuva mácavu ne ðaicõjeiye báquepe ðaivu, ne bueiye báque Jūmenijicui yávaiye pueno. Aru ðaivũbu muja cainũmua iyeye paiyede, arejamedã náre Jesús.

¹⁴Cojedeca Jesús órejurejamedã ina pōevare. Aru arejamedã náre:

—Caivu yure jápiarĩ dápijarã. ¹⁵Caiye iye ecoiye pōevare jedevaque āmeina tede ðabevũ náre. Ūbenita caiye iye etaiye pōeva ne ũmene āmeina tede ðaivu náre. ¹⁶Me jápijarã muja iye ji bueiye, arejamedã Jesús.

¹⁷Que arĩ, dajocarĩ nurĩ ina pōevare jocarĩ, ecorejamedã cũrami. Ūi bueimara yore ũi coyũino mácarõre jēniari járejaimada ére. ¹⁸Aru náre arejamedã:

—¿Muja máre jápiarĩ eabenarũ? ¿Coreóvabenarũ? Caiye iye ecoiye pōevare jedevaque āmeina tede ðabevũ náre. ¹⁹Ecobevũ ne ũmei. Ūbenita ne yapibũ jívui earĩ etaiivu bajure jocarĩ, arejamedã.

Caiye iye maje āiye métamu aiyũcu barejaquemavũ Jesús. ²⁰Cojedeca arejamedã:

—Ūbenita caiye iye etaiye pōevare jocarī, ne dāpiaye, āmeina tede ðaivũ náre. ²¹Ne ūmei āmeina dāpiadama apevũre. Ðaðama āmeina ðaiyede apevũque, nēmarebũcũva ānevũque. Ñavaðama apevũ ne cũvaede. Boarī jarũvaðama pōevare. ²²Nomicũrivũvacarī apecoque cũma aru nomiva märe ũmucũrivũvacarī apecũque cũma nēmarebũcũvare jarũvarī. Cũvaiyũta apevũ ne cũvaede. Āmeina ðaiyurī dāpiadama. Jujobaðama apevũre. Ne baju āmeno ðaðama. Jorojiñama. Coyuyama āmenore apevũ borore caivũ ne jápiayede. “¿Meara mārīca?” aðama. Aru ārũmevũpe āmeina ðaðama, coreóvaivũvacarī ñájinajivũre ne que ðaiye boje. ²³Caiye iye āmene etaiye pōeva ne ūme jivũquede, āmeũme cũre ðaivũ náre, arī buedejameða Jesús.

**Cũináco nomió, judfova ānevũcaco,
õi ju aino Jesúsre
(Mt 15.21-28)**

²⁴Diĩmarore jocarī Jesús nũrejameða apejoborõi, Tiro aru Sidón āmicuriĩmaroa yebai. Noi cũinádami cũrami ecorejameða. Aru apevũ ne majinore ũbedejameða cũcũre noi. Ūbenita dupini oabedejameða. ²⁵Maumejie cũináco nomió ũi borore jápiarī, nũri ũi yebai, ñaũtutarejacoða ũi cũboba yebai. Cũvarejacoða mamacore abujucũ ũi ĩmamore. ²⁶Aru ō nomió judfovacaco āmenejacoða. Sirofencia āmicurijoborõi pōetedejacoða ō. Jesúsre jēniarejacoða, ũi etavaquiyepe ado abujucũre ōi mácõre jocarī.

²⁷Jesús arejameða óre:

—Meamevũ ĩnu jueðova ne āiyede, jínajivũ yavimivare. Que baru jueðova ājarari mamarũmũre, arejameða Jesús.

Que arī, aiyũcũ barejaquémavũ judfovere Jũmenijicũi mārãpe aru judfova ānevũre yavimivape.

²⁸Aru arejacoða ĩre:

—Mũ, ji jabocũ, jáve coyũivũ mũ. Ūbenita yavimiva märe tuoiva cāchĩnoi cũrivũ, jueðova ne ārī jarũvaiyede aðama na, arejacoða Jesúsre.

²⁹Aru arejameða óre:

—Me copainũjaco, mi que aiyẽ boje. Abujucũ javẽ etayũme mĩmacore jocarī, arejameða óre Jesús.

³⁰Cũrami copainũri, earī, járejacoða ōi mácõre ōi parainoi meacore. Aru abujucũ cubedejameða óque.

**Jesús ũi meadaino
jápiabeni yávabecure**

³¹No yóboi copainũrejameða Tiro āmicuriĩmaro curijoborõre jocarī. Aru vaidéjameða Sidón āmicuriĩmarore aru Decápolis āmicurijoborõre märe, pu earĩta macajitabũ urabũ Galilea āmicuriĩtabũre. ³²Noi ũi cuede, nũvarejaimaða ũi yebai cũinácũ ũmũre, ñai jápiabecure aru yávarī majibecure. Aru jēniarejaimaða Jesúsre, ũi pũrũque tuoquiyepe aivũ ĩre.

³³Que baru Jesús nũvarejameða ĩre joajĩemaque apevũre jocarī. Doarejameða ũi āmũyoare ñai ũmũ ũi cá mucoba jivũ. Aru ũi āmũyoare jēcuturi tuorejameða ñai ũmũ ũi jemedore. ³⁴Cavarõre jári, ũme dapurī, arejameða: “Efata”. “Efata” aino, vojarõ aiyũrõtamũ no.

³⁵Que arī, Jesús ñai jápiabecũ bácũre jápiare ðarī, ñai yávabecũ bácũre yávare ðarejameða. ³⁶Que teniburu Jesús apevũre coyũicõjemenejameða náre pare, ne majibenajiyẽpe ayũ. Ūbenita cainũmũ ũi coyũrĩduiyedeca yóboi, cainũmũ coyũrejaimaða ũi borore pũeno baju. ³⁷Aru pare cuezumari arejaimaða ĩre:

—Ū ðaibi cainũmũa ménẽ. Jápiare ðayũbe jápiabevũ bácavũre. Aru yávare ðayũbe yávabevũ bácavũre märe, arejaimaða na.

**Jesús ũi āre ðaino yóvaicũvaimil baju
ũmũvare
(Mt 15.32-39)**

8 ¹Apejārvũi bediõva cõjjidejaimaða obedivũ pōeva Jesús yebai. Aru āiyede cuvabedejaimaða na. Que baru Jesús órejarejameða ũi bueimarare ũi yebai. Aru arejameða náre:

²—Cómaje ãroje jáivu yu ina pœvare. Ina obedivu cuma yúque yóbecurijãravua. Aru ãiyede cuvabema.

³Apevu ne cûramia joarôtamu. Que baru ji copaicôjenu náre ne cûramiai, mái nuri mamaðajebu, ne ãvué ñájiye boje, arejameda Jesús.

⁴Ëi bueimara jëniari járejameda ãre: —¿Ëbenita aipe ðarí jínajidi ãiyede caivu ina pœvare, ne ãrajiiyepe yui pœcubenoí? arejameda na.

⁵Jesús jëniari járejameda náre: —¿Aipiboa páuboare cuvãrãru mûja? arejameda.

Aru arejameda:

—Siete paiboabu, arejameda.

⁶Que aiyede, ina pœvare dobaicôjenejameda joborõi. Aru diboá páuboa siete paiboare ñni, torojuede jîni Jûmenijicure, diboáre cotvarí jídejameda ãi bueimarare, ne jínajiiyepe ayu pœvare. Aru nópe ðarí jídejameda na. ⁷Obebejina moajinare máre cuvarejameda. Jûmenijicure torojuede jîniburu yóboi, jícôjenejameda náre máre. ⁸Que ðaiyede, ãri yapidejameda caivu. ãri bubarîburu yóboi, iye cotvãiyi bãque páu aru moa máre, pœva ne ãri oabede ñni, meðarí, pœá siete paipœare, judfova ãmevu ne pœáre, buivãrejameda na. ⁹Aru ina ãivu bãcavu pœva yóvaicuvaimil baju barejáameda na. ¹⁰Jesús copaicôjenejameda náre, ãre jocarí. No yóboi, maumejiena jaturejameda jádocûi ãi bueimaraque. Aru nûrejameda apejorõi, Dalmanúta ãmicuríjorõita.

Fariseovacavu ne jëniaino pœva ne ðarí majibede

(Mt 12.38-39, 16.1-4; Lc 11.16, 29, 12.54-56)

¹¹Apevu fariseovacavu nûrejameda Jesús yebai. Aru ãmeina boro coyurí búrejameda ãre. Jáiyurejameda ãi jáðovaiyede cavarõ mearo Jûmenijicui curõquede, jujovarídurãjivu ãre. Yópe arí, pœva ne ðarí majibede ðaicôjenidurejameda ãre:

—Mu, Jesús, jáðovajacu ñûjare apede mi ðaiyede Jûmenijicui parueque, ñûje majinajiiyepe aivu jáve mure Jûmenijicui daroimu mácure, aríðurejameda Jesúre.

Nópe arí, ãre jujovaiyurejameda na. ¹²Aru chõri, ãme dapurí pare, arejameda:

—¿Aipe teni ijãravucavu jáðovaiyede jáiyuri? Jáve coyuyubu mujare:

Ijãravucavu jámenajarama jáðovaiye cavarõ mearo Jûmenijicui curõquede, arejameda Jesús.

¹³Que arí, náre dajocarí, jádocûi jaturi cojedeca, jatari nûrejameda apeduvei.

Fariseova ne ãmeno dápiaye

(Mt 16.5-12; Mr 4.12; Lc 12.1)

¹⁴Jesúi bueimara ãrumeteivu bãcavu páure, quénora cuvarejameda cûinábo páubore náque jádocûi. ¹⁵Aru Jesús cõjeñu arejameda náre:

—Me ðajarã. Me jájara ina fariseova aru ñai Herodes máre ne páure bucõvare ðaiyede, arejameda Jesús.

¹⁶Ëi que aiyede, arejameda ne bajumia:

—Ë yópe aibi, maje páure cuvabe boje, arejameda na.

¹⁷Ëbenita Jesús coreóvarejameda ne yãvainore. Que baru arejameda náre:

—¿Aipe teni coyuvãru mûja “Pãure cuvabevu ñûja” aivu? ¿Coreóvabenaru cãreja? ¿Majibenaru cãreja? ¿Dãpiabeni coreóvabenaru mûja? ¹⁸¿Yacorua cuvãrivuvacari, jámenaru? ¿Aru cá mucobea cuvãrivuvacari, jápiabenaru? ¹⁹¿Aru ãrumenaru? ¿Yu cotvãcavu cûinárvurpe paiboa páuboare ina cûinárvurpe paimil baju ãmuvare, aipipœbua cotvãiyi bãqueque ícanaru mûja? arejameda náre Jesús.

Na ju arejameda ãre:

—Doce paibua pœbua baju ícarã ñûja, arejameda na.

²⁰Jesús arejameda náre cojedeca:

—¿Aru yu cotvãcavu siete paiboare ina yóvaicuvaimil baju ãmuvare, aipipœa cotvãiyi bãqueque ícanaru mûja? arejameda.

Aru na ju arejaimada úre:
—Siete paipuea baju ícará ñuja,
arejaimada na.

²¹ Dinumure arejameda náre:
—¿Aipe teni majibenaru cãreja?
Coyuyubu mujare: Me jájara ina
fariseova aru Herodes máre ne
dápiayede, muje dápiabenajiyepene
dápiainope, arejameda náre Jesús.

**Jesús ñi meadaino jári
eabecure Betsaidai**

²² No yóboi earejaimada Betsaida
ámicuriimaroí. Apevu pöeva
nũvarejaimada Jesús yebai cüinácü ñmu,
jári eabecure. Aru Jesúsre jëniarejaimada,
ñi purũque tuoquiyepene aivu ñai ñmure.

²³ Que teni jári eabecu ñi purũre jëni,
nũvarejaimada úre diimarore jocarí.
Aru jëcuturi ñi yacoruará, úre tuorí ñi
purũáque, jëniari járejaimada úre:
—¿Apejïene jáñũru cari? arejaimada
Jesús.

²⁴ Quíjino jári, arejaimada:
—Jáivu yu ñmũvare. Ubenita
jocũcuape árojama cuivu, arejaimada
Jesúsre.

²⁵ Cojedeca Jesús tuorejaimada
ñi yacoruará. Que teni ñai ñmu
cocorejaimada me. Jári earejaimada
cojedeca. Aru me járejaimada caiyede.

²⁶ Jesús copaicõjenejaimada úre ñi
cũrami, yópe arí:
—Diimaroi ecobejacu mu, arejaimada
úre Jesús.

Pedro ñi “Cristobu mu” aino
(Mt 16.13-20; Mr 6.14-15; Lc
9.7-8, 18-21; Jn 6.68-69)

²⁷ Jesús nũrejaimada ñi bueimaraque
ĩmaroai Cesarea de Filipino ámicuriimaro
joabejĩnoí. Aru mái nũre nũiyede jëniari
járejaimada ñi bueimarare yópe:

—¿Aipe aidi pöeva yure? ¿“Yécubebu”,
aidi yure? arejaimada Jesús.

²⁸ Arejaimada úre:
—Apevu adama, “Juan Bautistabe”. Aru
apevu adama, “Elíabe”. Aru apevu adama,
“Jümenijicui yáviayede coyũcipõecube
ũ”, adama mure, arejaimada na.

²⁹ Aru jëniari járejaimada náre:
—¿Ubenita aipe aivurũ muja yure?
arejaimada Jesús.

Aru Pedro arejaimada úre:
—Mu Jümenijicui daroimu mácubu.
Ñujare jabotecuyumu mu, arejaimada
Pedro Jesúsre.

³⁰ Aru náre coyũicõjemenejaimada
apevure ñi borore.

Jesús ñi coyũino ñi yaiquĩnore
(Mt 10.38-39, 16.21-28; Lc 9.22-
27, 14.27, 17.33; Jn 12.24-25)

³¹ Jesús, yópe arí, bueni búrejaimada
náre:

—Jaũvu yure, Jümenijicui daroimu
mácure ñmure, urarõ ji ñájiquino. Ina
judíova bucũva, aru sacerdotevare
jaboteipöeva, aru Jümenijicui yáviaye
báquede bueipöeva máre yure boarí
jarũvarájarama. Aru yóbecũrijãravua
yóboi nacajacuyumu yu yainore jarũvarí,
arejaimada Jesús.

³² Caiye iyede coyurejaimada náre. Aru
ñi coyũiyede báque maiyõjabejevãvũya
náre, ne járiari earãjiyepene aipe.
Dinumure Pedro nũvarejaimada úre
apevu ina bueimarare jocarí. Aru
parũrõque jararí búridurejaimada Jesúsre.

³³ Ubenita Jesús, copedini járejaimada
apevu ñi bueimarare. Aru Pedro
curejaimada ñi yóboi. Que teni jararí
arejaimada úre:

—Mu, Satanás, jujovarídubejacu
yure. Nujacu yure jocarí. Dápiavũ mu
pöevape. Aru dápiavũ mu Jümenijicui
jiede, arejaimada Pedrore.

³⁴ Jesús orejarejaimada ñi yebai
obedivu pöevare ñi bueimaraque. Aru
arejaimada náre:

—Ácu pöecu daiyũcu yáque,
dajocajacurí pöeva ne mearo jáiyede
úre, cuyebecurí yure yóviayede, aru
jidubejacurí ñi ñájiquiyede. Nõpe ñabecu
baru, ñ buojabebi jícu bacuyá. ³⁵ Ñai
pöecu ñi baju urõpe ñarí, meadaiyũcu
baru ñi bajure, coatecuyũme ñi bajure
Jümenijicure jarũvarí, yópe yaiyá
bácure ñi ñmei. Ubenita ñai pöecu, “Ye
baju ánevũ, ji yaidú Cristore boje” ayũ,

ñi baju urõpe ðabecuna quénora ji urõpe ðarí, úrecabe ji meadaquimú, cuscuyu Jümenijicúque cainumna. ³⁶⁻³⁷Ñai pöescu cuncavu baru caiye ijáravuquede, ubenita bíjauv baru ñi ñmene, ñájicuyume cainumna toabo cúiméboi. ³⁸Aru ñai pöescú cuyedu yure aru ji yáviayede máre ijárvucavu ámeina teivú ne jáiyede, yu, Jümenijicú daroimú mácu ñmure, máre cuyeni dáriacuyumu úre ji jáðovaiyede jipacu meacu baju ñi mearore ji daiyede ina ángeleva mearaque máre, arejameða Jesús.

9 ¹Aru arejameða náre cojedeca: —Jáve coyuyubu mujare: Apevu curivu yui, ne yaináyiye jipocai járajarama Jümenijicú jaboteino curõre paruéque, ji jaboteiyede pöevare, arejameða Jesús.

Jesús ñi baju oatuvaino
(Mt 3.17, 11.14, 17.1-13; Mr 1.11;
Lc 3.22, 9.28-36; 2 P 1.17-18)

²Seis pajárvava yóboi, Jesús nuvarejameða Pedre, Santiagore, aru Jüare máre. Jipocatejameða náre cüracú ñmujuricú puenoi, apevure jocarí. Aru na járejaimaða ñi oatuvaiye me bajure. ³Yópe barejávüya. Ñi cuitótecaje pöerejavüya, pare boricaje ñi cuitótecaje. Ijárvure joaipöescu yópe boricaje ðarí majibebi. ⁴Aru járorejaimaða Elías Moisémaque, boroteivú Jesúque. ⁵Dinumú Pedro arejameða Jesúre:

—Mú, bueipöescu, mearotamu ññje curu yui. Que baru ðarájivubu ñña yóbecuríñamia cüramia quíjiñamia maquiyéde, cúináðami míñami maquinóre, apeðami maquinóre Moiséde, aru apeðami maquinóre Elíare, arejameða Pedro.

⁶Pare cücumarejaimaða na. Que baru Pedro majibedejameða aipe ñi ainore.

⁷Dinumuma oopenibo émeni taorejavüya náre. Aru jápiarejaimaða apeno yávinore oopeniboi etaiyede: “Ñaime jímacu, ji umu. Que baru jápiajará úre”, arejameða Jümenijicú.

⁸Aru yávaríburu yóboi, járejaimaða Jesúre cúinácura.

⁹Ne émeni daiyede dicú cüracúre jocarí, Jesús apevure coyucójemenejameða náre ne jáino mácarõre. Yópe arejameða:

—Me jápiajará muja. Coyubejará apevure no muje jáino mácarõre cüracú ñmujuricú puenoi, ji nacajaríburu yóboita yainore jaruvarí. Yébu Jümenijicú daroimú mácu ñmure, arejameða náre Jesús.

¹⁰Que baru ju aivu úre, coyubedejaimaða apevure no ne jáino mácarõre. Aru jëniari járejaimaða ne bajumia, “¿Aipe aiyucuba yo ñi aino nacajainore yainore jaruvarí?” arejaimaða na. ¹¹Que teni jëniari járejaimaða úre:

—¿Aipe teni aivuba ina Jümenijicú yáviaye báquede bueipöeva, “Mamarumú Elías dacuyume, ñai Jümenijicú daroimú ñi daquiyé jipocai”? arejaimaða na.

¹²Aru arejameða náre: —Jáve Elías dacuyume Jümenijicú daroimú ñi daquiyé jipocai, meadacudayu caiyede. Toivarejaquemavu yópe yure, Jümenijicú daroimú mácure ñmure: “Pare ñájine ðarájarama pöeva úre. Aru ubenama úre”, arí toivarejaquemavu. ¹³Ubenita jáve dáme Elías, ayubu yu mujare. Aru pöeva ne urõpe ðaima úre, yópe Jümenijicú toivaicójeiye báquepedeca úre, arí buedejameða náre Jesús.

Jesús ñi meadaino jueðocure,
abujucu ñi imamure
(Mt 17.14-21; Lc 9.37-43)

¹⁴Apevu Jesú bueimara yebai earí, járejaimaða ina bueimarare obedivu pöeva jëneboi. Aru Jümenijicú yáviaye báquede bueipöeva jararí yávorejaimaða náque. ¹⁵Jesús ñi eaiyede, ina pöeva úre jári, torojurí cúyarejaimaða ñi yebai, úre jacoyuránuivú. ¹⁶Jesús jëniari járejameða náre:

—¿Yéde yávaivurú muja náque? arejameða náre.

¹⁷ Cūinácu pōescu pōeyajubo jēneboi arejameđa úre:

—Mu, bueipōescu, jímacure abujucu ímami. Aru yávaicōjememi úre. Que baru úre davaríduvú yú mi yebai. ¹⁸ Nāi abujucu cainumua bidióvarí ture ďávabi úre joborói. Aru aburí etavavú úre. Cōpi cívabi ũ. Aru ũi baju jājatevabi ũ. Que baru yú jēniariduvú mi bueimarare, ne jaetovarājiyepe ayú nāi abujucure. Ūbenita na nāine jarúvarí majibema, arejameđa Jesúre.

¹⁹ Aru Jesús arejameđa náre:

—Múja, ijāravucavú, Jūmenijicure ju abevú, ¿aipijāravua cūquidi yú mújaque? ¿Aru aipijāravua nājiquidi yú mújaque, múje ju arājiyepe ayú ji coyuyede? Davajarā nāi juedocure ji yebai, arejameđa Jesús.

²⁰ Nūvarejaimađa juedocure Jesús yebai. Aru nāi abujucu Jesúre jári, juedocure bidióvarí, ture ďarejameđa joborói. Joborói turí, nāi juedocu jātururejameđa. Aru aburí etarejavūya úre.

²¹ Jesús jēniari jārejameđa jípacure yópe:

—¿Aipinūmua baju abujucu ímari úre? arejameđa Jesús.

Aru jípacu ju arejameđa:

—Javeita, quíjicurata. ²² Aru apenūmua úre bidióvarí, ture ďarí toaboi aru jiai, boarí jarúvaríduvabi úre. Ūbenita buojayú baru cōmaje āroje jári, ďadatejacu nūjare, arejameđa Jesúre.

²³ Jesús arejameđa úre:

—¿Būojayú baru, ayurū mū? Yú caiyede ďacarí majivú mure, yure mi ju aru, arejameđa úre Jesús.

²⁴ Maumejie nāi juedocui pacu codoboborejameđa:

—Mure ju aivú yú. Ćadatejacu yure ji ju aye parúé baquiyépe, arejameđa Jesúre.

²⁵ Dinūmure Jesús jári obedivú pōeva cūyavure ũi yebai, parúéque etaicōjenejameđa abujucure. Arejameđa:

—Mu, abujucu, nāi juedocure yávaicōjemecu aru jápiaicōjemecu, yú cōjeivú mure. Etajacu úre jocarí. Aru

ímamejacu úre cojedeca, arejameđa Jesús.

²⁶ Que ayú Jesús, nāi abujucu codoboborí aru pare bidióvarí, ture ďarí juedocure, etarejameđa úre jocarí. Que teni nāi juedocu yayú bācupe pararejameđa. Que baru ina pōeva obedivú “Jave yaibí ũ”, aríďurejaimađa na. ²⁷ Ūbenita Jesús, ũi purure jēni, nacovarejameđa úre. Aru nāi juedocu nacajarejameđa. ²⁸ Que ďaríburu yóboi, Jesús ecorejameđa cūrami. Nore ũi bueimara jēniari jārejaimađa úre cūinácura, yópe arí:

—¿Aipe teni nūja jaetovarí majibetedí nāi abujucure? arejaimađa na.

²⁹ Náre arejameđa:

—Jūmenijicure jēniaiye javuvú āmevava āiyede, abujucu nāipe páyure múje jaetovarājiyepe aivú, arejameđa náre Jesús.

Jesús ũi coyūino cojedeca ũi yaiquínore

(Mt 17.22-23; Lc 9.43-45)

³⁰ Nore jocarí nuivú, Jesújā vaidėjaimađa Galilea āmicuríjoboróre. Aru pōeva ne majiéde ũbedejameđa Jesús. ³¹ Ū bueyú barejameđa ũi bueimarare. Que baru ajevú pōeva ne eaiyede ũi yebai ũbedejameđa Jesús. Yópe arí, buedejameđa ũi bueimarare:

—Yure, Jūmenijicui daroimú mácure ũmúpe, jēni jínajivubu ji mavure, ne boarí jarúvarājiyepe ayú yure. Aru yóbecuríjāravua yóboi, nacajacuyumu yú yainore jarúvarí, arejameđa náre Jesús.

³² Ūbenita jápiarí eabedejaimađa ũi coyūino mácaróre. Aru jidurivú jēniari jáiyubedejaimađa úre.

¿Námema parucu maje jēnebore?

(Mt 10.40, 18.1-5, 20.26-27,
23.11; Mr 10.43-44; Lc 9.46-48,
10.16, 22.24, 26; Jn 13.20)

³³ Jesújā earejaimađa Capernaum āmicuríímaroi. Aru ecorejaimađa cūrami. Cūrami jívui curivú, Jesús jēniari jārejameđa ũi bueimarare yópe:

—¿Ye batedí mǎje borotede daiye máí? arejamedá náre Jesús.

³⁴ Ëbenita coyubedejaimada ére, ne borotede daiye báque boje ñamene parucure ne jêneboi arevǎ pǎeno.

³⁵ Dinmure Jesús dobacǎnurejamedá, buescǎy. Órejurejamedá ina doce paivǎ ùi bueimare. Aru arejamedá náre:

—Ñai pǎescu ùi cǎjeiyǎ arevǎ, dáriaiye javǎ ére yópe parubescure. Aru caivǎ ne yebacacure bacǎyúme ù. Arevǎ bojecube memecaiye javǎ ére, arejamedá Jesús.

³⁶ Que arǎburu, Jesús jênejamedá cǎinǎcu jǎedocure. Aru núvari ére ne coricai, dǎrǎí ére ùi ámuveaque, arejamedá náre:

³⁷ —Cǎinǎcu pǎescu corǎ etayǎ baru cǎinǎcu jǎedocure ji ámiái, ji cǎjeiyepe, que ñayǎ nopedeca corǎ etaibi yǎre. Aru cǎinǎcu pǎescu corǎ etayǎ baru yǎre, corǎ etaibi ñai yǎre daroyure máre, arejamedá Jesús.

Majare jarabescu, majacacube
(Mt 10.42, 12.30; Lc 9.49-50, 11.23)

³⁸ Juan arejamedá Jesúsre:

—Mǎ, bueipǎescu, jácarǎ ñǎja cǎinǎcu ùmǎ abujǎvare jaetovayǎre mi ámiái, mi paruéque. Ëbenita ñǎjaque ùi cube boje, “Dabejacǎ” acarǎ ñǎja ére, arejamedá Juan.

³⁹ Ëbenita Jesús arejamedá náre:

—Ñai ñayǎ pǎeva ne ñarǎ majibede ji ámiái, ji paruéque, no yóboi ámeina yǎvabecube yǎre. Que baru nópe abejarǎ mǎja ére. ⁴⁰ Ñai pǎescu maucǎvabescu majare queǎnora majacacube ù. ⁴¹ Que baru jáve coyǎyǎbu mǎjare: Ácu pǎescu jíyǎ baru cǎinǎrǎ jorogure ocoque, caǎatecǎyǎ cǎinǎcu ji bueimaracacure, ùi yóvaiye boje yǎre, jáve bíjabcǎyúme Jǎmenijicǎi me bojedaiyede ére, arejamedá Jesús.

Jidojarǎ maje ámeina teino

(Mt 5.13, 29-30, 18.6-9;
Lc 14.34-35, 17.1-2)

⁴² Bedióva buedejamedá Jesús, yópe arǎ:

—Ácu pǎescu ùi vainí tǎre ñaru apescu yǎre jǎ ayǎre parubescureca, ùi ñajocǎquiyepe ayǎ ùi jǎ aiye de yǎre, meajebu ére jarǎvaru jia urǎðai ùi ñamemui bǎorǎi cǎinǎbo cǎrabo uraboque. ⁴³⁻⁴⁴ Aru mǎ ámeina teyǎ baru mi pǎnǎque, burarǎ jarǎvajacu dípurǎre. Meaquiye bu mǎre, mi earu cavarǎ mearo Jǎmenijicǎi cǎrǎi cǎinǎpǎnǎque. Ëbenita meamequiye bu mǎre, mi nǎru toabo cǎiméboi caipǎcǎpǎnǎque. ⁴⁵⁻⁴⁶ Aru mǎ ámeina teyǎ baru mi cubobaque, burarǎ jarǎvajacu díbare. Meaquiye bu mǎre, mi earu cavarǎ mearo Jǎmenijicǎi cǎrǎi cǎinǎba cubobaque. Ëbenita meamequiye bu mǎre, mi nǎru toabo cǎiméboi caipǎcaba cubobaque. ⁴⁷ Aru mǎ ámeina teyǎ baru mi yacorǎque, ñni jarǎvajacu díðǎre. Meaquiye bu mǎre, mi ecoru Jǎmenijicǎi jaboteinore cǎinǎru yacorǎque. Ëbenita meamequiye bu mǎre, mi nǎru toabo cǎiméboi pǎcǎrǎa yacorǎque. ⁴⁸ Nore toabo cǎiméboi cǎrǎi cǎma júva yaibévu. Que baru pǎeva nore núvu baru cǎinǎmǎa ñǎjinajarama na, toabore aru júvare máre.

⁴⁹ Meadaivǎ maje áiyede yuquiraque. Nopedeca ñǎjiye meadaivǎ pǎevare. ⁵⁰ Yuquira maje áiyede meadaivǎ. Ëbenita yuquira vaijǎe bíjaru, áiyede meadaie buojabevǎ. Aru mǎja máre yuquirape bájarǎ. Nópe yuquira meadaiyepedeca maje áiyede, caǎatejarǎ mǎjevǎre. Aru cǎrijimene ñarǎ, me cǎjarǎ mǎjevǎque, arejamedá Jesús.

Jesús ùi bueino nomi jarǎvainore
(Mt 5.31-32, 19.1-12; Lc 16.18; 1 Co 7.10-11)

10 ¹ Bueniburu yóboi, Jesús etarejamedá ne ñmarore jocarǎ. Aru nǎrejamedá Judea ámicurijoborǎi aru Jordán ámicuriya jia apedǎvei máre. Bedióva cojedeca obedivǎ pǎeva cǎjijidejaimada ùi yebai. Aru ùi ñarǎ cǎmajiyeye, bueyǎ barejamedá náre. ² Fariseovacavǎ máre nǎrejaimada ùi yebai, jǎjovaiyǎrǎvǎ ére, jǎniari járejaimada:

—¿Cúinácu ũmu jaruvayu baru jímarepacore, ðaídi yópe maje ðaicójeiyepé? arejaimada na.

³Náre arejamedá Jesús:

—¿Aipe ðaicójenejaquemari Jūmenijicu, ũi toivaicójeiye báquede Moisés bácuere? arejamedá.

⁴Aru arejaimada:

—Moisés bácu jícójenejaquemavu pōecure cúináyoca “Mure jaruvayubu yu” aiyocare jímarepacore, arejaimada na.

⁵Aru Jesús arejamedá:

—Moisés bácu jaruvaicójenejaquemavu mujare mujemarepacore, muje Jūmenijicui ðaicójeiyede járiaiyube boje.

⁶Ūbenita mamarumure, Jūmenijicu cuedarejaquemavu caiyede. “Ūmu macuyáre aru nomió macodóre máre ðarejaquemavu Jūmenijicu”. ⁷Aru, “Que baru caride ácu pōecu jímarepaco bacoðó cuvacyu, ũi bucavare ðajocacyume. ⁸Aru jímarepacore cūvarí, ómaque cúinávupetamu na Jūmenijicui jáinore”. ⁹Que baru pucarā ámeta. Quénora cúinávupetamu na. Que baru pōecu Jūmenijicui cójjiovaimara mácavure coavabejacurí ũ, arí buedejamedá Jesús.

¹⁰No yóboi, cūrami jívui ina ũi bueimara jēniari járejaimada ũre cojedeca aipe iye ũi coyuiye báquede.

¹¹Náre arejamedá:

—Ácu pōecu jímarepacore jaruvaríburu yóboi purubuoyn baru apocoque, nomicucūvacari apocoque cūcu baru, ámeina ðaibi óre ũi mamarumucacore jaruvarí. ¹²Aru áco pōeco jímarepacure jaruvaríburu yóboi purubuoðo baru apescuque, ũmucucovacari apescuque cūco baru, ámeina ðaibico ũre ði mamarumucacure jaruvarí, arí buedejamedá náre Jesús.

**Jesús ũi mearore jino juedovare
Jūmenijicūque**

(Mt 18.3, 19.13-15; Lc 18.15-17)

¹³Pōeva núvare cuivu barejáimada némarare Jesús yebai, ũi tuoquiyepe aivu náre ũi puruáque. Que teni ũi

bueimara núvaicójemendurejaimada némarare. ¹⁴Ūbenita Jesús járejamedá náre ne que ðaiyede. Pare cojubedejavūya ũre. Que baru arejamedá náre:

—Ina juedova ðajarāri ji yebai.

Jūmenijicu jabotecuyume pōevare nápe paivure. Que baru, “Davabejarā juedovare”, abejarā náre. ¹⁵Jāve coyuyubu mujare: Ácu pōecu copu etabecu baru Jūmenijicure jaboteyure ũre, yópe juedocu ũi copu etaiyepe, ecobecuyume ũi jaboteinore, arejamedá Jesús.

¹⁶Que arí, Jesús ĩni ðururejamedá ina juedovare ũi ámuveaque. Náre coapa ðururí, tuorí ũi puruáque, mearore jídejamedá náre Jūmenijicūque.

**Cúinácu ũmu cūve cuvacu Jesúmaque
ne boroteino**

(Mt 19.16-30, 20.16; Lc 13.30, 18.18-30)

¹⁷Jesús ũi núiyede cojedeca, cúinácu ũmu cúyarí nūatutarejamedá ũi yebai. Aru jēniari járejamedá ũre:

—Mū, bueipōecu meacu, ¿aipe ðaji yu, cuvacyu járavu cúiméjáravu baquinóre? arejamedá ũ.

¹⁸Jesús arejamedá ũre:

—¿Aipe teni “Meacubu mū”, ayurū yure? Jūmenijicu cúinácurabe meacu baju. ¹⁹Majivura mū Jūmenijicui ðaicójeiyede ũi coyuiye báquede Moisés bácuere: “Pōevare boarí jaruvabejacu. Cuvabejacu apcore mimarepacore jaruvarí. Nāvamejacu apescu ũi cūvaede. Borodabejacu apescure. Borocurí ĩmejacu apescu ũi cūvede. Ju ajacu mipacure aru mipacore máre”, arejamedá Jesús.

²⁰Que teni arejamedá Jesúre:

—Mū, bueipōecu, ðacacu caiye iye mi coyuiyede juedocu cāreja yu, aru caride máre, arejamedá.

²¹Jesús ũre jári, urejamedá. Aru arejamedá ũre:

—Cúináro javvu mure cāreja. Nujacu aru jini bojedajacu mi cūvede. Aru mi ĩquiyepe jíjacu ina cōmaje ārojarivure. Que teni cuvacyumu mū boje méne cavarō mearo Jūmenijicui curōi. Aru ðajacu yúque, arejamedá Jesús.

²²Iyede jápiarí, ñai ñmũ cojubeteni aru urarõ baju chíori nurejameða Jesúre jocarí, dajocaiyubecu ñi ure cavede.

²³Que teni Jesús ñi bueimarare jári, arejameða náre:

—Ina pøeva cve cvarivure pare maiyójavu ne ja aiye Jūmenijicure, ñi meadaquiyepe aivu náre aru ne ecorājiyepe aivu ñi jaboteinore, cavarõ mearo ñi curõre, arejameða náre Jesús.

²⁴Iye ñi coyuiyede járiavũ bācavũ ñi bueimara, cuecumarejaimada. Aru Jesús arejameða náre cojedeca:

—iMũja, ji umara, pare maiyójavu cve cvarivure ecoiyurivure Jūmenijicui jaboteinore! ²⁵Cūinācu āimacu uracu, camello āmicucu, ñi ecoru aviyo cobei, maiyójajebu ũre. Aru pñeno maiyójavu cve cūvacure ñi ecoquino Jūmenijicui jaboteinore, arejameða Jesús.

²⁶Urarõreca cuecumavũ, arejaimada ũre:

—¿Ñame buojarí ecorājidica Jūmenijicui jaboteinore, cvarājivũ jāravu cūiméjāravu baquinóre? arejaimada na.

²⁷Jesúcapūravũ náre jári, arejameða:

—Pøeva ne ðarí majibeno maiyójabevũ Jūmenijicure. Ũ cūinācura buojarí meadayube pøevare, arejameða Jesús.

²⁸Aru Pedro arejameða ũre:

—Dajocacarā ñũja caiye ñũje cūvaede, ñũje daiye boje máque, arejameða Pedro.

²⁹⁻³⁰Jesús arejameða:

—Jāve coyuyubu mujare: Ácu pøecu ðajocayũ baru ñi cūramine, o jībũrāre, ímarare, jípacore, jípacure, mamarare, o ñi joborõre máre, ñi daiye boje yáque, aru Jūmenijicui yávaiye méne coyuiye boje máre, eacuyume pñeno baju caride ijāravũ cūramiare, aru jībũrāre, ímarare, jībũcũrõmivare, mamarare, aru ñi joborõare máre apevũ ñájine ðaivureca ũre, ðaquijāravu baquinói cūvacuyume jāravu cūiméjāravu baquinóre. ³¹Dinũmure apevũ jaboteivũ bācavũ ijāravure, jabotebenajarama na Jūmenijicui jabotequiye. Aru apevũ jabotebevũ bācavũ ijāravure,

jabotenajarama na Jūmenijicui jabotequiye, náre arí buedejameða Jesús.

Jesús ñi coyuiño bedióva cojedeca ñi yaiquínore

(Mt 20.17-19; Lc 18.31-34)

³²Mái nure nuivũ barejámada Jerusalén āmicurĩmaro. Jesús nurejameða ne jipocai. Ũi bueimara cuecumarejaimada. Aru apevũ máre, náre cujuivũ, jidurejaimada. Cojedeca Jesús nuvarejameða ina doce paivure apevure jocarí. Aru coyurí búrejameða náre pøeva ne ðarājiyede ũre. ³³Coyurí arejameða yópe:

—Jerusaléi nuivũbu. Nore curí, yure, Jūmenijicui daroimũ mácure ũmure, ji maucu jēni jíquijibi sacerdotevare jaboteipøevare aru Jūmenijicui yávaiye báquede bueipøevare máre. Ina pøeva arājivũbu: “iBoarí jaruvajarā ũre! iYaijácũrĩ!” Que arí, jínajivũbu yure ina judíova āmevure. ³⁴Que teni ina pøeva yurínajivũbu yure. Jēcututurajivũbu yure. Jara popenajivũbu yure. Aru boarí jaruvārājivũbu yure. Ũbenita yóbecurijāravua yóboi, jípacu, Jūmenijicu, nacovacuyume yure yainore jaruvarí, arejameða Jesús.

Santiago aru Juan ne jēniaino Jesúre

(Mt 20.20-28, 23.11; Mr 9.35; Lc 12.50, 22.25-27; Jn 13.12-15)

³⁵Santiago aru Juan máre, Zebedeoí mára eare nurejaimada Jesús yebai. Aru arejaimada ũre:

—Mũ, bueipøecu, ðajacu ñũje urõre, ñũje jēniarajiyede mũre, arejaimada na.

³⁶Jesús jēniari járejameða náre:

—¿Yéde ðacaji mujare? arejameða ñi.

³⁷Aru arejaimada ũre:

—Dobaicójejacu ñũjare mi yebai, cūinācu meapūravũ aru apecu cācopūravũ, mi jabotequinũmũ maquinóre, arejaimada na.

³⁸Ũbenita Jesúcapūravũ arejameða náre:

—Mũje jēniayede coreóvabevũbu mũja. Dobaiyurivũ baru yáque ji

jabotequinumu maquinóre, mamarumu ñájiye javvu mujare yáque. ¿Ũcuri buojarājídica mija ji ũcuinore? ¿Aru jáđovari buojarājídica mija yópe ji jáđovainope Jūmenijicuque? arejameđa náre Jesús.

³⁹Na ja arejaimađa úre:

—Buojaivubu ñija, arejaimađa.

Aru Jesús arejameđa náre:

—Ji ũcuinore ũcurajivubu mija.

Que teni ji ñájiyepedeca ñájinajivubu mija. Aru ji Jūmenijicuque

jáđovaiyepedeca jáđovarajivubu mija.

Que teni ji đaiyepedeca đarājivubu

mija Jūmenijicui uróre. ⁴⁰Ūbenita

yávacari beobevu náre, dobarājivure

ji meapūravui aru ji cācopūravui máre.

Quénora dobarājarama nore ina jipacui beoimara mácavv, javeta ũi meadaimara mácavv, arejameđa Jesús.

⁴¹No yóboi, jápiarejaimađa ne borore arevu caipucapuvape paivu Jesúi bueimara. Que baru jararejaimađa inare, Santiagore aru Jūare máre. ⁴²Dinumu Jesús órejarameđa ũi bueimare ũi yebai. Aru arejameđa náre:

—Mija majivu ina jaboteivure judíova ámevure ne đaiyede. Paruéque cōjeivubu ina ne jaborócavure, ne đacarājiyepe aivu náre ne urópe.

⁴³Ūbenita nápe đabejarā mija. Ñai mujacacu parucu baiyucu baru, memecajacurī mujare. ⁴⁴Aru nopedeca ñai mujacacu jabocu baiyucu baru, yebacatejacurī caivure. ⁴⁵Nopedeca Jūmenijicui daroimu mácu ũmure, yu, dabedejacacu, pōeva ne memecarājiyepe ayu yure. Quénora darejacacu yu, memecacuyu arevure aru boarí jaruvaicōjecuyu ji bajure, meadacuyu obedivu pōevare, ji yaiquíyede náre boje, arejameđa Jesús.

Jesús ũi meadaino Bartimeore, jári eabecure

(Mt 20.29-34; Lc 18.35-43)

⁴⁶Jerico ámicurīmaroi earejaimađa na Jesújā. Nore curídivu bácvu nurejaimađa na cojedeca. Jesús ũi bueimaraque, obedivu pōeva máre

yóvarí nurejaimađa. Ne nūimai, no ma écarui, Bartimeo, Timeoi mácu, dobarejameđa. Jári eabecu barejameđa.

Que baru tauturare jēniavarejameđa.

⁴⁷Aru pōeva “Jesús Nazarecacube ũ”, aivure jápiayv, codoboborejameđa Bartimeo:

—Mu, Jesús, David bácvu pāramecu, Jūmenijicui daroimu mácu, ñije jabocu bacuyú, yure cōmaje ároje jájacu m, arejameđa ũ.

⁴⁸—Bi ajacu mu, arídurejaimađa Jesújāque nuivv.

Ūbenita pueno baju

codoboborejameđa ũ cojedeca:

—Mu, David bácvu pāramecu, Jūmenijicui daroimu mácu, ñije jabocu bacuyú, yure cōmaje ároje jájacu m, arejameđa ũ.

⁴⁹Que teni úre codoboboyure jápiayv Jesús, dajocarejameđa. Aru úque nuivvure cutuicōjenejameđa.

—“Dajacurī”, aibi mure Jesús.

Torojujacu m, arejaimađa Bartimeore.

⁵⁰Aru cūiná nacajari, ũi puenocacajede quédata durí jaruvarí, Jesús yebai earejameđa ũ.

⁵¹—¿Aipe đacaji yu mure? jēniari járejameđa úre Jesús.

—Mu, bueipōecu, jári eabevu yu. Ūraró jáiyvuv yu, arejameđa Jesúre.

⁵²—Dinumu meavu. Ména nujacu. “Yure meadacuyume Jesús”, arí dápiairebu m. Que baru mi jári eabede meadacavv yu caride, arejameđa úre Jesús.

Aru cūiná járejameđa ũ, jári eabecu bácvu. Que teni Jesúre yóvarí nurejameđa ũ máre, Bartimeo.

Jesús Jerusaléi ũi ecoino

(Mt 21.1-11; Lc 19.28-40; Jn 12.12-19)

11 ¹Jerusalén ámicurīmaro joabejinoi nuri, Betfajé aru Betania ámicurīmajinoa baji, no cāracū Olivocū ámicuricū émeino baji, earejaimađa na, Jesús ũi bueimaraque. Nore earí ũi bueimarcavv pucarāre jarorejameđa Jesús.

²Náre yópe arí:

—No cōchinosi cūriimajinosi
 m̄jara m̄ja. Ma ēmeinosi p̄evare
 ūmaiāimacure, burrore, earājaramu
 m̄ja, nócacu ūi buoimure. P̄eva
 ne tubabemutame cāreja. Ūbenita ūi
 buoimene jōdeni, ūre davacajarā yure.
³Aru, “¿Aipe teni burrore ūi buoimene
 jōdeni, ūre nuvaivurū m̄ja?” ne aruta,
 yópe ajarā: “Ñujare ícōjēni darobi maje
 jabocu. Ūre ūmacayū āimacu jaubi ū.
 Carijēneca m̄jare jacopaiyovacuyume
 cojedeca”. Nópe ajarā, arejameđa Jesús.

⁴Na ja arī ícarānurejameđa. Nuri,
 burrore earejameđa na. Cūrami
 jedevai, ma ēcarui, buoimu núrejameđa
 ū, tubamu. Aru ūi buoimene
 jōdenidurejameđa na. Dinumuma ina
 burro yebai núriva arejameđa:

⁵—¿Aipe teni jōdevurū m̄ja ūi
 buoimene? arejameđa tubamure
 ícaivure Jesús.

⁶Jesús ūi aipe báquepedeca náre, nore
 núrivure coyurejameđa tubamure ív̄.

⁷Coyurī buojarī, nuvaicōjēnejameđa
 náre nócav̄. Nuvari Jesúsre burrore
 nuvacarejameđa ina p̄carā. Ne
 doicajea, ne p̄enocacajeare tubamura
 tuorī, Jesúsí tubaquinore ðarejameđa ūi
 bueimara. Aru burrore tubarejameđa
 Jesús. ⁸Dinumuma ne p̄enocacajeare
 jūarejameđa ina obediv̄ p̄eva
 mára. Aru apev̄ jocucu cavabua yoca
 curicavabua burarī, jūarejameđa
 mára, Jesúsre meadaiyuriv̄ ne p̄uedarī
 jacyurājiiyep̄e aiv̄.

⁹Ūre jipocateiv̄ aru ūi yóbocav̄
 máre cođoboborejameđa na:

—Jūmenijicure torojue bajadēni.
 Jūmenijicu mearo ðacaimume ū,
 Jūmenijicui daroimu mácu. ¹⁰Majeñecu
 mácu, David bácu jaboteino
 mácarōpedeca, cari jabotecuyume.
 Ūi jabotequino meaqiiyebu. Cari
 jabocu bacuyáre ména borotenajarev̄.
 Jūmenijicure torojue bajadēni,
 cođoboborī arejameđa na.

¹¹Aru Jesús Jerusalén āmicurīimaro
 earī, Jūmenijicui cūrami nurejameđa.
 Nore earī, ecorejameđa Jesús. Nore
 cocorī járidurejameđa Jesús. Ūbenita

nainúta marejáv̄ya. Que baru ūi
 bueimara doce paiv̄que Betania
 āmicurīimajinosi nurejameđa Jesús.

**Jesús ūi āmecoroino higuera cu jēidua
 cubecure**
(Mt 21.18-19)

¹²Cōmiāj̄jav̄v̄ javej̄nara, Jesús̄j̄
 ne etaiyede Betania āmicurīimajinore
 jocarī, āvué ijidejav̄ya Jesúsre.

¹³Járejameđa joai cūinác̄u jocucu
 higuera cure yoca curicure. Que baru
 jēidua v̄ocunuridurejameđa dicu yebai.
 Ūbenita nore earī, yoca matuiyeda
 járejameđa. Jēidua cubedejav̄ya, jēidua
 higo āmicuridua jēij̄jav̄v̄ eabe boje.

¹⁴Aru arejameđa dicure:

—Cainumua āmejarari p̄eva mi
 jēidua v̄e cojedeca, arejameđa Jesús.

Aru nópe ūi aiyede jápiarejameđa ina
 ūi bueimara.

**Jesús ūi meadaino Jūmenijicui
 cūramine**

(Mt 21.12-17; Lc 19.45-48, Jn 2.13-22)

¹⁵Bediōva Jerusalén āmicurīimaro
 earejameđa na Jesús̄j̄, Betania āmicurōi
 nuiv̄ bácv̄. Earī, Jūmenijicui cūrami
 nuri, diñami tāibui ecorejameđa Jesús.
 Nore diñami curiv̄ bojeaip̄evare
 jaruv̄arī jarorejameđa Jesús. Tāutura
 oatuv̄aip̄eva ne jáđov̄aiv̄re moari
 najuárejameđa ū. Aru jurevare
 bojeaip̄eva ne dobarōare máre
 moari najuárejameđa. ¹⁶Diñami tāibui
 nuvari jatajuroriv̄re ye apej̄e paiyede
 nuvaicōjemenejameđa Jesús. ¹⁷Náre
 bueyu, yópe arejameđa ū:

—Yópe arī, toivaicōjēnejacuemav̄
 Jūmenijicu ūi yáv̄aiv̄ede: “Ji
 cūrami caiv̄ p̄eva ne yure,
 Jūmenijicure, coyuiñamimu”, arī
 toivaicōjēnejacuemav̄. Ūbenita
 diñamine tatorī ív̄u ne dupiñamipe
 ðacuemav̄ m̄ja, m̄je p̄eno urarō
 tāutura íye boje p̄evare jocarī, ne
 bojeaiyede m̄je cūvaede, arejameđa
 náre Jesús.

¹⁸Sacerdotevare jaboteip̄eva aru ina
 Jūmenijicui yáv̄aiv̄e báquede bueip̄eva

diede, Jesús ùi ðaiye báquede, jápiarí, úre boarí jaruvaiyurídurejaimada na. Ûbenita ina pðevacapúravu Jesús ùi bueiye ðaiye jápiarí, urarò dápiarejaimada na. Que baru jidurí, úre ne boarí jarubarájiyede borotodejaimada ina sacerdotevare jaboteipðeva ina Jümenijicui yávaiye báquede bueiðevaque. ¹⁹ Aru nainíburu yóboi diimarore jocarí, nurejaimada Jesújã.

Higueracu yaicu

(Mt 6.14-15, 17.20, 21.20-22; 1 Co 13.2)

²⁰ Cõmiájãravu javejínara vainánuivu dicu higueracu yebai járejaimada. Aru caicu dicu aru caiye nuõ máre yaidéjavãya. ²¹ Dinũmũma Pedro, Jesús ùi yávaino mácarõre dicure aruri, arejameda úre: —iMũ, bueiðecu, jájacu! Dicu, mi ênoare amecorovaricu, yaidébu, arejameda Jesúre.

²² Aru Jesús arejameda náre: —Ju ajarã muja Jümenijicure, ùi cadatequiyepa aivu mujare. ²³ Jáve coyũyũbu mujare: Ácu pðecu icũ cüracũre ùi aru yópe: “Nujacũ yore jocarí pũ jia uradaita, cocunujacũ”, nópe ðaquiyebu dicũ. Ácu pðecu ùi me ju aru Jümenijicure aru “Jümenijicu iye ðaiyede majibebi”, arí dápiabedu, caiye ùi cüracũre cõjeiyepa tequiyebu. ²⁴ Que baru coyũyũbu mujare: Caiye iye muje Jümenijicure jëniayede, dápiajarã yópe: “Jãve Jümenijicu jícuyũme yure”, arí dápiajarã muja. Yópe dápiaru, Jümenijicu jícuyũme mujare muje uede. ²⁵ Aru cainũmũa muje jëniayede majepacuque, jaraivũ baru o chíõivũ baru apesu ùi ãmeina teiyede, arũmetetarã diede. Cãrijimene ðajarã úque, majepacu cavarõ mearocacu ùi arũmetequiyepa aivu muje ãmeina teiyede máre. ²⁶ Ûbenita apesu ùi ãmeina teiyede mujaque arũru, majepacu cavarõ mearocacu arũmetebecube muje ãmeina teiyede máre, náre arí buedejaimada Jesús.

Jesús ùi parué

(Mt 21.23-27; Lc 20.1-8)

²⁷ Bediõva cojedeca earejaimada Jerusalén amicuriĩmaroi. Nore

Jümenijicui cürami táibui cuyũ barejameda Jesús. Sacerdotevare jaboteipðeva, aru Jümenijicui yávaiye báquede bueiðeva, aru judiõva bucũva máre nurejaimada ùi yebai. ²⁸ Jëniari járejaimada úre:

—¿Ye paruéque ðayurũ mu iye mi ðaiyede? ¿Ñame jídi mure iye paruéde mi nópe ðaiyede? arejaimada Jesúre.

²⁹ Jesús arejameda náre:

—Yu máre jëniari jáquijivũ mujare cüinãro jëniari jáinore. Coyũjarã yure. Yure muje coyũyede, yu máre coyũquijivũ mujare ji paruéque ji ðaiyede. ³⁰ ¿Juan Bautista bácu jáðovarejaquemari pðevare Jümenijicu ùi paruéque o pðeva ne paruéque? Coyũjarã yure, arejameda náre Jesús.

³¹ Ûi que aiyede, borotodejaimada ne bajumia yópe:

—Maje aru “Jümenijicuque”, ù aquijibi “¿Aipe teni ju abetecarãrũ úre?” ³² Ûbenita “pðevaque” aye jaubevũ majare, ne bajumia arejaimada.

Caiyũ ina obedivũ pðeva coreðvarejaimada Juan Bautista bácu Jümenijicui yávaiyede coyũcaipðecu bajure. Que baru ina jabova jidurejaimada náre. ³³ Arejaimada Jesúre:

—Majibevũ ñuja, arejaimada.

Dinũmũre Jesús arejameda náre:

—Yu máre coyũbevũ mujare ñamei paruéque ji ðaiyede, arejameda Jesús.

“Ámena memecaipðevare” jári dápiarí ne ðarãjiyepa aino

(Mt 21.33-46; Lc 20.9-19)

12 ¹ Dinũmũre Jesús coyurí búrejameda náre jári dápiarí ne ðarãjiyepa ainoque, yópe arí:

—Cüinãcu ùmũ doaicõjequemavũ jiore úyaimuque. Doarí bũojarí, ðaicõjequemavũ biãidore jio turãvai. Aru úicõjequemavũ cobede úyai pipocobede. Aru ðaicõjequemavũ ùmujuriĩnami cüramine, jiore coreipðecu ùi jáquiĩnamine máre. Caiye iyede meadãri bũojarí, vorí earí jiore memeiðevare, epequemavũ náre

ne memecarājīyēpe ayu ére. Ina memecairpōeva īnajivū batequémavū apeboa úyaiboare, ne memēiye boje. Aru nuquemavū ñai ūmū apeno joborōi. ²Úyai jējījāravū yóboi, ñai ūmū jarorīduquemavū cūinácū ūi yebacacūre memecairpōeva yebai, ūi īquiyēpe ayu apeboa úyaiboare, ñai jabocu jiede. ³Ūbenita ñai yebacacū ūi eaiyede nore, ina memecairpōeva ére jēni, pare boarí, copaide ñaquemavū ére quédāta. ⁴Cojedeca ñai ūmū, jio upacu, jarorīduquemavū apesu ūi yebacacūre memecairpōeva yebai. Ūbenita churiá ñaquemavū ére ūi jipobui. Aru cūyojarō ñaquemavū ére máre. ⁵Cojedeca ñai ūmū, jio upacu, jarorīduquemavū apesu ūi yebacacūre nore, memecairpōeva yebai. Ūbenita boarí jarūvaquemavū ére. Apevūre jio upacu ūi jaroimarare máre boaquémavū. Aru apevūre boarí jarūvaquemavū na.

⁶No yóboi, mautequemavū ñai jio upacūre cūinácū ūi mácu cūinácūva, pare ūi ūmū. Quénora jarorīduquemavū mamacūre. “Ére jáivū, pueðarājichuma” ayu, que dápiacquemavū ū. ⁷Ūbenita ina memecairpōeva jáivū ñai jio upacūi mácu, aquemavū ne bajumia, “Ñai ñūje jabocu bacūyūme. Jīpacū ūi yainīburu yóboi, cūvacūyūme caiye ūi cūvaede. Járica, boarí jarūvarājarevū ére, maja cūvaburí caiye ūi cūvaede”. ⁸Que arí, ére jēni, boarí jarūvaquemavū. Aru ūi baju bácarōre jaetovaquemavū jiore jocarí, arejameða Jesús.

⁹Na ūi coyūiyede jápiaivūre jēniari járejameða Jesús:
—¿Aipe ñaquidi ñai jio upacu náre? Ū boarí jarūvacūnūcūyūme ina memecairpōevare. Aru apesu yūme apēvū memecairpōevare noi, ūi jioi. ¹⁰¿Jári borotēbenarū mūja iye Jūmenijicūi yáviaye ūi toivaicōjeiye báquede? Yópe toivarejaquemavū yurā, Cristo ji borore:

Iva cūravare cūramine ñaipōeva ūbeni jarūvaquemavū. Caride iva cūrava caiva apeva pueno parūrivabu. ¹¹Nópe ñaino mácarōre ñaquemavū Jūmenijicū.

Que baru pare mearotamu majare, maje dápiaru, arí toivarejaquemavū, arejameða Jesús.

Yópe aiyurōtamu no: Pōeva “Ámecūbe ū”, arīdurājarama Jesúi borore. Ūbenita meacu bajube ū, Jesús, caivū apēvū pueno.

¹²Que aiyede, Jesúre jēni, nuvaiyurīdurejaimaða, ūi coyūiye boje nára no jári dápiarí ne ñarājīyēpe ainore. Ūbenita jidurejaimaða ina obedivū pōevare. Que baru ére ñajocarí etarí nurejaimaða.

Jesús ūi coyūino jabovare bojedainore

(Mt 22.15-22; Lc 20.20-26)

¹³Fariseova aru Herodecavū jarorejaimaða nácvare Jesús yebai, ére jūjovarí, jacotujurorivūre. ¹⁴Ūi yebai earí, ére yópe arejaimaða na, madaðaiyurivū:

—Mū, bueipōecu, mure coreóvaivūbu ñūja. Nurié yávaivū mū. Caivūre cūinácūmūara yávaivū mū. Coyūbevū mū pōevare yópe ne ñaiyēpe. Quénora jidūbecūva coyūivū mū náre yópe ne dápiayēpe. Jáveneca bueivū mū pōevare, ne ñarājīyēpe ayu mearore yópe Jūmenijicūi ñaicōjeiyepe. ¿Maje jabocu César ūi ícōjejūroede, ūi jaboteiye boje, maje bojedaru, mearica die? ¿O bojedabejeba maja? ¿Bojedaje bárica maja? ¿O bojedaicōjeino āmeni? arejaimaða Jesúre ina fariseova aru ina Herodecavū.

¹⁵Ūbenita ne jūjovajūroede majicū, náre yópe arejameða Jesús:

—¿Aipe teni yūre jūjovaiyurīdurí vainí tuiyurārū mūja? Yūre tāuturaturava, ji jáquituravare, ñavajacurí mūjacacu, arejameða náre Jesús.

¹⁶Ére tāuturaturavare nuvarejameða nácacū. Ére nuvari jíyede, arejameða Jesús:

—¿Ñamema ñai, ñitūravare jēñū? ¿Aru ñamei āmiá curituravaba ñitūrava? arejameða náre Jesús.

Ére arejaimaða:

—Ñai jabocũ Césai decocũ aru ñi ãmiá máre curituravatamu, arejaimada.

¹⁷Que aivure arejamedã Jesús:

—César jiede ére jacopaiyovajarã muja. Jíjarã ére táutura yópe ñi bojedaicõjeiyepe mujare. Aru Jūmenijicu jiede ére jacopaiyovajarã muja. ðajarã yópe ñi urõpe, arejamedã náre, jēniari járadaivure, Jesús.

Aru jujovaiyurĩduivu b́acavu Jesúre ñi que aiyede, urarõ d́apiarejaimada ina fariseova aru ina Herodecavu máre.

Saduceova ne jēniari jáino Jesúre yainore jarũvarĩ nacajainore

(Mt 22.23-33; Lc 20.27-40; Hch 23.8)

¹⁸Apevu saduceova n̄reajaimada Jesús yebai. Saduceo ãmicurijubobu judíovacavu ne yajubo cūináyajubo. Caivu saduceova “Yainore jarũvarĩ nacajaiye cubevũ”, adama na. Jesúre jēniari járejaimada ina saduceova yópe:

¹⁹—Мъ, bueipõescu, Jūmenijicu ðaicõjeiyede Moisés b́acu toivarejaquemavu yópe: Cūinácu nēmamicu yaidú, j́imarepacore jocarĩ juedocuvabecova, yaiyú b́acui yócupe purubuoioye javũv õque, juedocuvacuyũ. Aru ina juedova bárãjivu yaiyú b́acui ãmiáre cũvarãjarama na. Que arĩ, toivarejaquemavu Moisés b́acu.

²⁰Javede ćatequemavu siete paivu ñmũva. Cūinácu ñmũi mára matequémavu na. Nēmamicu purubuoquemavu. No yóboi, yaiquémavu ñ mácu, juedocuvabescuva. ²¹⁻²²Que baru apescu, ñ mácurã cutuyũ, purubuoquemavu j́bũcu b́acui márepacoque. Aru j́bũcu b́acupedeca, yaiquémavu ñ mácu máre, juedocuvabescuva. Aru apescu, ñ mácurã cutuyũ máre, popedeca, aru caivu ina siete paivu b́acavu õque purubuoĩ, yaiquémavu, juedocuvabevũva. Caivu ne yóboi, ico nomiõ máco máre yaiquémavu. ²³¿Yainore jarũvarĩ nacajaijãravũ baquinóre, ñamei márepaco bacodóba ico? J́ãravũ caivu ina siete paivu cũvatequemavu õre, arejaimada na Jesúre.

²⁴Aru Jesús arejamedã ina saduceovare:

—Mamateivũbu muja muje majibe boje Jūmenijicu yávaiyede. Aru Jūmenijicu paruéde máre majibevũbu muja. ²⁵Yainore jarũvarĩ nacajaijãravũ baquinóre purubuoenajarama. Aru j́benajarama nēmarmivare, ne purubuoĩj̄iyepe aivũ. Quénora ángeleva, ina purubuobevũ, cavarõ mearo Jūmenijicu curõcavũpe paivu barãjarama ina yainore jarũvarĩ nacajarajivu. ²⁶¿Iye yainore jarũvarĩ nacajaiyede, jápiarĩ eabenaru muja iye Jūmenijicu coyũye báquede Moisés b́acu ñi toivaiye báquede, jocũj̄icu uruij̄icure coyũrĩ? “Ýtamu Jūmenijicu. Abraham, Isaac, aru Jacob ne mearore j́mũtu yũ”, arejaquemavu Jūmenijicu Moisés b́acure. ²⁷Que arĩ, yaivu b́acavu ne mearore j́mũ ãmemi Jūmenijicu. Quénora apũrivũ ne mearore j́mũtame ñ. Que baru ina majeñecuva apũrivũbu. Que baru pare mamateivũbu muja, arejamedã náre Jesús.

ðaicõjeiye parué caiye p̄eno

(Mt 22.34-40; Lc 10.25-28)

²⁸Cūinácu Jūmenijicu yávaiye báquede bueipõescu Jesús yebai earĩ, jápiarejamedã Jesús apenvuque ne copũ boroteiyede. Jesús náre ñi copũ aiyede cojurejavũya ére. Dinũmũma Jesúre yópe jēniari járejamedã Jūmenijicu yávaiye báquede bueipõescu:

—¿Ároma majare Jūmenijicu ðaicõjeino mácarõ p̄eno parũrõ cõjeino? arejamedã.

²⁹Aru Jesús ju arejamedã ére:

—P̄eno parũrõ ðaicõjeinotamu yo: “J́apijarã muja, Israecavu. Maje jabocũ Jūmenijicu cūinácuratame. ³⁰Ëjavu mi jabocũ Jūmenijicure caino mi ñmedũque, caino mi ñmeque, caino mi majiéque, aru caino mi baju paruéque máre”. ³¹Aru no yóbo cãchijino parũrõ ðaicõjeino yópe ainomu: “Mi bajure mi jescũpedeca jescũjavu m̄icure máre”. Iye ðaicõjeiyebu p̄eno parué. Ap̄eno ðaicõjeino p̄eno parũrõ cubevũ, arejamedã Jesús.

³² Arejamedá Jesúre:

—Mu, bueipõecu, jãvetamu. Mu jãve arĩ coyũvũ mu. Jũmenijicu cũinãcurabe ã. Apecũ cubebi. ³³ Maje ãimacu caicũre toaque juarĩ, Jũmenijicũre jĩye o maje ape paiyede Jũmenijicũre jĩye meavũ. Ëbenita Jũmenijicũre caiye maje ãmedũque, caiye maje majiẽque, aru caiye maje paruẽque mãre jecũe aru majecũre maje bajure jecũrõpe mãre jecũe, pũeno mearotamu, arejamedá Jesũre ã.

³⁴ Jesũs ãi jãpaiyede mearo ãi ju aiyede, yõpe arejamedá:

—Quĩjĩno baju jaũrdũrebu mi eaquino Jũmenijicũi jaboteinore, arejamedá Jesũs.

Que arĩburu jidũrĩ, Jesũre ye jẽniari jãmenejaimada na caivũ.

Cristo ñai jabocũ David bãcui pãramecũ

(Mt 22.41-46; Lc 20.41-44)

³⁵ Jesũs buede curejamedá Jũmenijicũi cũrami. Aru arejamedá:

—¿Aipe teni “Cristobe David bãcui pãramecũ”, aivũba Jũmenijicũi yãvaiye báquede bueipõeva? ³⁶ David bãcũvacari Espĩritu Santoi paruẽque coyũicõjeimũ arejaquemavũ ã mãcu:

Jũmenijicu aquemavũ ji jabocũre, “Dobajacu ji meapũravũ, mi cãvae boje paruẽde yũpedeca. Aru yũ epecũyũtu mi mauvare mi cuboba cãchinoi. Que teni mũre vainĩ jarũvare ñacũyũtu yũ mãre, mi jabotequiyere ayũ mãre”, arejaquemavũ David bãcu Cristorã.

³⁷ “David bãcũvacari Cristoi borore “Ërecabe ji jabocũ”, arejaquemavũ. Que baru, ¿aipe teni David bãcui pãramecuba ã? arejamedá Jesũs.

Aru caivũ ina obedivũ põeva torojurĩ jãpiarejaimada Jesũre.

Jesũs ãi boro coyũrĩ adaino Jũmenijicũi yãvaiye báquede bueipõevare

(Mt 23.1-36; Lc 11.37-54, 20.45-47)

³⁸ Jesũs bueyũ bãcu arejamedá:

—Me ñajarã ina Jũmenijicũi yãvaiye báquede bueipõevare. Nãmu cuiyũrivũ cuitõtecajea ãmũjuricajeaque. Aru ãma na põeva pueðarĩ ne jacoyũinore mãre tãibũi. ³⁹ Judĩovai cõjijĩñamiare ne dobae mãne ãma na, põeva ne jãrajiyere aivũ mãre. Aru torojuve teinore, cuiyũma na ñai torojave teino upacu yebai. ⁴⁰ Ëbenita jujovarĩ ñavaðama ina nomiõpevare ne apejĩene. Aru jẽniadama joe urarõ Jũmenijicũque, põeva ne ñapiarãjiyere aivũ Jũmenijicũi yãvaiye báquede bueipõeva me Jũmenijicũre ju aivũpe. Caiye iyede ne ñaiye boje, pũeno urarõ ñãjinajarama na, ne ãmeina teiyebõe, arejamedá Jesũs.

Nomiõpeco cãve cãvabeco õi tãtura jĩno Jũmenijicũre

(Lc 21.1-4)

⁴¹ Nore, Jũmenijicũi cũrami, Jesũs dobarejamedá joabẽjĩno cũinãtõcu põeva ne Jũmenijicũre tãtura jĩye epeitõcu yebai. Ditõcu cãrejavũya ãi jipocai. Noi dobarĩ, põeva obedivũ ne ãre tãturare ditõcui jĩni tãovũre jãũ marejãmedá Jesũs. Aru obedivũ cãve cãvarivũ tãorejaimada ãre tãturare. ⁴² Que teiyede cũinãco nomiõpeco, cãve cãvabeco, ditõcu yebai earĩ, tãorejacoda pũcatũrava tãtũraturavare, me bojecubeturavare. ⁴³ Õi que ñaiyede jãũ Jesũs, õrejarejamedá ãi bueimarare ãi yebai. Aru arejamedá mãre:

—Jãve coyũyũbu mũjare: Ico nomiõpeco cãve cãvabeco, Jũmenijicũre jĩbico apecũ ne jĩye pũeno baju, õi jĩye boje õi cãvarõ cainore. Ëbenita ñacãpũravũ quãnora quĩjĩno ne cãvarõcarõre jĩyama. ⁴⁴ Caivũ ina põeva ne urarõ cãvaecarõre jĩyama Jũmenijicũre mãre jaubede. Ëbenita ico nomiõ õi quĩjĩno cãvarijĩno mãcarõre cainore jĩbico Jũmenijicũre. Caiye õi ijãravũ cãvajuroede jĩbico õ Jũmenijicũre, arejamedá mãre Jesũs.

Jesũs ãi coyũino “Jũmenijicũi cũrami tãquiyebu” arĩ

(Mt 24.1-2; Lc 21.5-6)

13 ¹ No yõboi Jesũs etayũ bãcũre Jũmenijicũi cũramine jocarĩ, cũinãcu ãi bueimaracacu arejamedá ãre:

—Mñ, bueipõescu, jájacu. iPare meavabu iva cõrava! iAru pare meadãmiamu iñamia cõramia! arejamedã Jesúre.

²Ëi que aiyede, Jesús arejamedã ùre:

—¿Jáñuru mu iñamia uradãmia cõramiare? Cũináva cõrava mautebequiyebu apeva pñenora. Caiye iva cõravare najuárajarama. Que teni cõiquiyebu, arejamedã Jesús.

Jáðovaiye járavu cõiquíye jipocai

(Mt 10.17-20, 22, 24.3-28; Lc 12.11-12, 17.22-24, 31, 21.7-24; Ap 7.14)

³Jesús dobarejamedã cõracũ Olivocũ ãmicuricũ pñenoi, Jũmenijicũ cõrami ùi jipocai jáñu mácu. Ëi dobaede noi Pedro, Santiago, Juan, aru Andrés máre jẽniari járejaimada ùre yavenina, põevare jocarĩ:

⁴—Coyujacu ñujare: ¿Aipiyede tuquidi caiye iye cõramia uradãmia? ¿Aipe ðari coreóvarãjídica ñuja caiye iye buojaquiyede? arejaimada na.

⁵Aru Jesús arĩ búrejamedã náre:

—Me jájara apesu jujovaiyucure mujare. ⁶Darãjarama obedivũ ùmũva. Aru arãjarama “Cristobu yũ”. Jujovarãjarama obedivũ põevare.

⁷Muje jápaiyede boaino borore aru boaquĩno borore máre, jidubejarã. Caiye iye vaiquiyebu járavu cõiquíye jipocai. Ëbenita cõimébu cãreja. ⁸Cũináyajubo põeyajubocavu ãdamatenajarama apeyajubo põeyajubocavũque. Aru cõináro jaboteinocavu ãdamatenajarama apeno jaboteinocavũque. Joborõ cõijiquiyebu obedicũrõare. Ñãjinajarama ãvuéna. Iye ñãjiye baquiyébu yõpe jueðocu põeteyure ñãjiyepere. Yõpe búquiyebu caiye iye ãmeina ñãjinajiye.

⁹Ëbenita mujacarpũravũ me jári me ðajarã. Mujare jẽni jínajarama ne jabovare. Mujare jara popenajarama judõfovai cõjijĩñamiai. Aru muja núrajaramu cõjeipõeva ne jipocai aru jabova ne jipocai máre, yure muje ju aye boje, coyurãjivũ ji borore. ¹⁰Mamarũmũre yávaie méne Jũmenijicũ jaboteinora coyũie jauvu,

cainoa joborõacavu ne jápiarãjiyepere aivu diede. ¹¹Ne jẽni nũvaiyede mujare jabova ne ãmeina teivure jẽniari jáĩñami, “¿Aipe arĩ coyurãjidi náre?” arĩ, cãrijimejara muja. Ëbenita coyujarã muja yõpe ñai Espiritu Santo ùi dãpiare ðaquiyepe dinũmu maquinõre. ¹²Que teni ùmu jẽni jícũyũme jíbucure o ñmacure máre, jabova ne boarĩ jaruvãrãjiyepere ayũ ùre. Nopedeca jípacu jẽni jícũyũme mamacure. Aru nopedeca némcure ju abeni jẽni jínajarama, boarĩ jaruvãicõjenajivũ náre. ¹³Caivu mujare muje yure ju aye boje jorojĩni járajarama. Ëbenita ñai ju ayũ yure pu ùi yainũmũita, ù macũyũme ji meadaimu, arejamedã Jesús.

¹⁴Aru Jesús buedejamedã náre, ùi bueimarare, cojedeca:

—Ñai ùmu pare ãmecu nũcũyũme nore, Jũmenijicũ cuicõjemenore ùre. Caivu iye toivaiyede jári boroteivũ me dãpiajarãri caiye iyede. Ñai ùmure járajaramu muja. Judeacavu dupini ñujarari cõracũai. ¹⁵Ñai cõrami pñenora cõcũyũ, ùi dupini ñuiyede, ãmeni darĩ, nũvariducũyũ ùi apejĩene, ecobejacurĩ ùi cõrami. ¹⁶Aru ñai jiore memecũyũ, ùi dupini ñuiyede, copainũmejacurĩ ñiducũyũ ùi cuitõtecaje pñenocacajede. ¹⁷iCõmaje ãrojarajarama ina nomiva micava bárãjivũ dijãravũa baquiyéde! iAru ina nomiva némajina nuri dajocabevũre cõvarãjivũ máre pare ñãjinajarama dijãravũa baquiyéde! ¹⁸Jẽniajara Jũmenijicũque iye vaibéquiyepe aivu ocorũmure. ¹⁹Dijãravũa baquiyéde põeva urarõ ñãjinajarama. Nópe paiye cõbevũ cãreja, mamarũmũmata Jũmenijicũ ùi cuedarĩ buinũmure, pu caride máre. Aru cainũmũa cõbequiyebu.

²⁰Jũmenijicũ ùi javaiyobedu dijãravũa ñãjiovaquijãravũa baquiyéde, caivu yaijébu. Meadaimara cõbejebu. Ëbenita Jũmenijicũ javaiyocũyũme dijãravũa ñãjiovaquijãravũa baquiyéde, ùi beoimara mácavure boje.

²¹Dijãravũa baquiyéde apesu ùi aru mujare yõpe, “Jãjara. iÑainecabe

Cristo!” o apesu ũi aru mujare, “iÁñurecabe Cristo!” náre ju abejará.
²²Que teni obedivu borocurivu darí coyurájarama “Cristobu yu”. Aru apenu máre Jūmenijicui yávaiyede coyucaridurájarama. Ũbenita Jūmenijicui yávaiyede coyucaipōeva baju āmenajarama na. Ũrarō jáđovaiye aru pōeva ne đarí majibede máre đarájarama, jujovariduvu Jūmenijicui beoimara mácavure. ²³Ũbenita me jájara muja. Coyuyubu mujare ne borore, muje majinajiyere ayu, ne darájiye jipocai, arejamedá Jesús.

Jūmenijicui daroimu mácu ũmure ũi copaidaquino

(Mt 24.29-36, 42, 44; Lc 12.36-38, 21.25-36; Ap 1.7, 6.12-13)

²⁴Bediōva cojedeca Jesús coyurejamedá náre:

—Cūinájāravu dijāravuacajāravu baquinói, iye ũrarō nājiniburu yóboi, avía ñemitecuyume. Aru avía ñamicacu máre pēomesuyume. ²⁵Na abiacova turájarama cavarōre jocarí. Aru caivu ina paruéque curivu cavarōi cūjinajarama. ²⁶Dinumu maquinóre jārarama yure, Jūmenijicui daroimu mácure ũmure, dayure oopeniboai, ũrarō paruéque, jáđovañure meacu bajure. ²⁷Que teni ina ángelevare darocuyumu yu. Nápapuravu cójijovarájarama Jūmenijicui beoimara mácavure, caivu avía dainocavure aru caivu avía doinocavure máre, cainoa joborōacavure.

²⁸Majijará yo muje jáinore. Icu jocucu higuercare yoca yuiyede, majivu muja ũjũmũ joabenore. ²⁹Nopedeca jáivu caiye iye teiyede, majinajaramu muja jāravu cūino joabenore. ³⁰Jāve coyuyubu mujare: Apenũ ijāravui curivu yaibēdeca cāreja, vaiquiyebu caiye iye yópe ji coyuiyere. ³¹Caino cavarō, aru caino joborō máre cūiquiyebu. Yópe ji yávaiyepedeca jāve vaiquiyebu.

³²Ũbenita dijāravu baquinóre aru diora baquinóre ñame majibema. Ángeleva, ina curivu Jūmenijicuae

cavarō mearoi, aru yu, Jūmenijicui mácu máre majibevu űuja. Quénora jipacu majibi dijāravu baquinóre, ji aijāravure. ³³Que baru me jájara muja. Árujara. Muja majibevu ji copaidaquijāravure. ³⁴Jēvari coyūquijivu ji copaidaquinore yópe cūinácu ũmũ ũi cusunquiyere apejoborōi. Ũi etaquiyer jipocai ũi cūramine, memeicōjeimi ũi yebacavure náre coapa. Aru jedevacobede coreipōecure máre coreicōjeimi cāmecava. ³⁵Quēdeca memeni corejarā muja, cāmevva. Muja majibevu cūrami upacu ũi copaidaquinore. Daquijichubi nainúre, o ñami coricai, o cáyu ũi órejaiyede, o javejīnare. ³⁶Ũi copaidaru maumejiena aru mujare cáivure earu, meamejebu mujare. ³⁷Nopedeca ji coyuinore mujare, coyuyubu quēdeca caivure: Cāmevva memeni corejarāri, arí buedejamedá náre Jesús.

Jesús ũi coyūino ne jēnajinore ũre yóboimia

(Mt 26.1-5; Lc 22.1-2; Jn 11.45-53)

14 ¹Pascua āmicurijāravu aru páure bucure đaiye cube āiye torojuve teinumu pucajāravva jipocai barejávūya cāreja. Yavenina Jesúre jujovarí jēni, boarí jaruvaiyurejaimada sacerdotevare jaboteipōeva aru Jūmenijicui yávaiye báquede bueipōeva máre. ²Ne bajumia arejaimada:

—Torojuve teinumu ũre jēmenajarevu maja. Ũre jēnu torojuve teinumu, pōevacapūravu majare jorojīni, majare boarí jaruvaiyuebu, arejaimada ina judiōvai jabova.

Cūináco nomió ũi mumijne yuaino Jesúre

(Mt 26.6-13; Lc 7.37-38; Jn 12.1-8)

³Jesús ũi cuede Betania āmicuríimajinoi, Simón pojeyu bācui cūrami tuoiva yebai āivu barejámada na, Jesújā. Que teni cūináco nomió earejacoda Jesús yebai. Ico nomió nuvarejacoda cūinábu ũmujuribu boribu mumijñaricoque. Iye mumijne nardo āmicue pare mearo corajurejavūya. Aru

pare bojecue barejávūya. Ico nomió earí, dibure cobarí yuarejacođa caiye iye mumijuede Jesú jipoburá. ⁴Ūbenita nore curivū apevū, jorojini, ne bajumia arejaimada:

⁵—¿Aipe teni iye mumijuede jaruvadoba ō? Diede bojedari, urarō boje ini, cūinácu memeipōescu cūináju ũi memeno bojede ini, jíye jaujebu ōre cūve cuvabevure, arejaimada na.

Que baru jararejaimada ōre. ⁶Ūbenita Jesús arejaimada:

—Yávabejarā āmeno ōre. ¿Aipe teni cārijovaivurū ōre? Ōi đaiye yure mearotamu. ⁷Cainumua ina cūve cuvabevū curājarama mujaque. Que baru muja cadateiyurivū cainumua náre buojaivū. Ūbenita yu cubecubu mujaque cainumua. ⁸Ō đacaibico yure ōi oainope. Ō meadacaibico ji bajure, ne yure jaruvarājiye jipocai. ⁹Que baru jāve coyuyūbu mujare: Cainoa joborōai ijārvui pōeva ne coyūiyede iye yávaiye méne ji meadaiyede pōevare, iye ōi yure đacaiyede máre coyurājarama, ne ārurajipepe aivū ōre, arejaimada Jesús.

Judas ũi jēni jino Jesúre
(Mt 26.14-16; Lc 22.3-6)

¹⁰No yóboi Judas Iscariote, cūinácu doce paivū Jesú bueimaracacu, nurejaimada ina sacerdotevare jaboteipōeva yebai, náre jēni jíyurejaimada Jesúre. ¹¹Ūi đaiyuede jápiari, torojurejaimada na. Que baru arejaimada ūre:

—Nūja jínajivūbu mure tāuturare, mi yavenina jēni jíye boje ūre, arejaimada na Judare.

Que baru Judas jári coreni búrejaimada yavenina, jēni jícyū Jesúre.

Jesús ũi āino ũi bueimaraque
(Mt 26.17-29; Lc 22.7-23; Jn 13.21-30; 1 Co 11.23-26)

¹²Páure bucure đaiye cube āiye torojuve teinmū mamabūijārvū barejávūya. Pascua jārvucacure, ovejāicure, boarí, toaque juarí, ávarejaimada dijārvure. Aru dijārvure arejaimada Jesúre ũi buemara:

—¿Ári nuri mure maje Pascua jārvūque āiyede meadacarājidica nūja? arejaimada na.

¹³Aru nácavū pucarā jarorí, arejaimada Jesús:

—Īmaroi nuri, ēmeni, nócacūre oco tuyure corurājaramu muja. ¹⁴Ūque nuri, cūramine ũi ecoiyede cūinátura muja máre ecojarā. Diñami upacure yópe ajarā muja: “¿Átucubūba ji bueimaraque ji Pascua jārvūre ji āquitucubū?” aibi bueipōescu”, ajarā muja. ¹⁵Diñami upacurārvūre puenocatucubu jave majare jauēde meadaitucubū bácarōre majare jáđovacuyūme ũ. Noi ditucubūi majare maje ārājiyede meadajarā muja, arejaimada náre Jesús.

¹⁶Ūre ju arí, nuri, ĩmaroi earejaimada. Earí, nore Jesús ũi aiyede báquepedeca ũi aitucubūre earejaimada na. Noi Pascua jārvūque āiyede meadarejaimada na pucarā.

¹⁷Que teni meadarí buojari, nainú baji, avia ũi doriburū yóboi, ũi bueimara ina doce paivūque no ditucubūre earejaimada Jesús. ¹⁸Nore earí, dobarí āivure, Jesús arejaimada ũi bueimarare: —Jāve coyuyūbu mujare: Cūinácu mujacacu yure ji mauvare jēni jícyūme ũ. Nai yure nópe đacuyū, yúque caride āñūme ũ, arejaimada náre Jesús.

¹⁹Que baru chíorejaimada. Aru na coapa yópe arejaimada Jesúre:

—iQue đabecubu yu! ¿Mácarí? arejaimada na coapa.

²⁰Que arí, Jesús arejaimada náre:

—Cūinácu mujacacu, jóyu páure jororūmica yúque, ũ macuyūme ji mauvare yure jēni jíyū. ²¹Ū, Jūmenijicui daroimū mácu ũmure ijārvui, ji yaijārvui nucuyūmu yū, yópe Jūmenijicui toivaicōjeiye báquepedeca ũi yávaiyede. Ūbenita āmeno vaicūyūme ũ, nai yure jēni jíyū bacuyú. Nai nópe đacuyū, ũi pōtebedu meajebu, arejaimada ũi bueimarare Jesús.

²²Ne āiyedeca, páure ini, Jūmenijicure torojuede jídejaimada Jesús. Torojuede jini buojari, páure cotvarejaimada.

Cotuvārī buojarī, náre coapa jídejamedá. Aru arejamedá:

—Páure ájara muja. Diedecabu ji bajupe, jáđovaiye ji yaiquínore mujare boje, arejamedá náre Jesús.

²³Úcuidore máre íni, torojuede jíni Jūmenijicure, náre jídejamedá Jesús. Didore jēni, úcuri, veorī, úcurejaimada na coapa. ²⁴Aru Jesús arejamedá náre:

—Dicorore úcujara muja. Diedecabu ji jivepe, jáđovaiye ji yaiquínore mujare boje, Jūmenijicui árumetequiyepē ayu muje ámeina teiyede. Jūmenijicu “Yópe đajarā muja, boropatebenajivu ji jáinói”, ūi yóbocarō coyūino mácarōre pōevare áruarajaramu muja, muje úcuiyede diede. ²⁵Jāve coyuyubu mujare: Quénora vino úyaicorore úcuñumu yu ijāravure. Ūbenita ānijāravu baquinói, Jūmenijicui jabotequinumu maquinóre, bedióva cojedeca úcuri jácuyumu yu, arejamedá ūi bueimarare Jesús.

Jesús ūi coyūino Pedrorē ūi “Jesúre yu coreóvabevu” aquinore

(Mt 26.30-35, 28.16; Lc 22.31-34; Jn 13.36-38)

²⁶Ne āriburu yóboi, Salmos āmicue yūriaiyede yūriarejaimada. Yūriarī buojarī, no cūracū Olivocū āmicuricūi nūrejaimada na, Jesújā. ²⁷Mái nūri, arejamedá Jesús:

—Yūre đajocarī nūrajaramu muja. Yūre vaiquiyede Jūmenijicu toivaicōjenejaquemavu, yópe arī: “Ovejavare coreipōecure boarī jaruvacuyumu yu. Aru coateni nūrajarama na, ovejava”, arī toivarejaquemavu. ²⁸Ūbenita ji yainíburu yóboi, Jūmenijicu ūi nacovaiyede yūre yainore jaruvārī, muje jipocai nūcuyumu Galileai, arejamedá Jesús.

²⁹Que ayūre, Pedrocapūravu arīdurejamedá ūre:

—Caivu apevu ne đajocarī jocarī nūiyedeca, yúcapūravu mure jocarī nūmecubu yu, arīdurejamedá.

³⁰Aru Jesús arejamedá ūre:

—Jāve coyuyubu mure: Carī űami ruque cáyu ūi órejaquiyē jipocai,

yóbecue baju “Jesúre yu coreóvabevu” acuyumu mu, arejamedá Pedrorē Jesús.

³¹Ūbenita Pedrocapūravu copu ayu barīdurejamedá:

—Múque yūre ne boarī jaruvaruta, “Jesúre yu coreóvabevu”, abecubu yu, arīdurejamedá Pedro.

Aru na coapa nópe arīdurejaimada, Jesúi bueimara.

Jesús Getsemaní ūi jēniaino

Jūmenijicunque

(Mt 26.36-46; Lc 22.39-46)

³²Getsemaní āmicurōi nūrejaimada Jesújā. Nore earī, arejamedá ūi bueimarare Jesús:

—Yui dobarī corejarā muja ji Jūmenijicunque boroteiyede ānoi, arejamedá Jesús.

³³Nūvarejamedá ūique Pedrorē, Santiagore, aru Jūare máre. Aru urarō űájíñu ūi dápiaino, āmeno vaidéjamedá Jesús.

³⁴Que teni arīdurejamedá náre:

—Yū āmeno chíori dápiavū ji yaiquínore. Yui mauteni, jári capujarā muja, arīdurejamedá ū.

³⁵Jipojica báque nūñu Jesús, űuatutarī, mori tūrejamedá joborōita. Aru Jūmenijicunque boroteyu barejamedá ū:

—Mu, jipacu, yūre cari vaiquiyē vaibéjadēni. Caiyede đaiye majicutamu mu. ³⁶Ūbenita ji urōpe đabejacu. Quénora mi urōpe đajacu mu, arejamedá jīpacure Jesús.

³⁷Ūi bueimara yebai copainūri, náre cáivure earejamedá Jesús. Aru arejamedá Pedrorē:

—Simón, ¿cāñutarū mu? ¿Cūināorajī cāmecava coreiye majibecurū mu? arejamedá Jesús.

³⁸Caivu ūi bueimarare arīdurejamedá cojedeca:

—Coreni, Jūmenijicunque borotejarā muja, abujuvai jabocu mujare jūjovārī, āmeina tede đabequiyepē aivu. Muje ūme űe parurō mariduivu. Ūbenita muje baju đaiye bajure parubevu muja, arīdurejamedá náre Jesús.

³⁹Cojedeca Jūmenijicuque borotecunrejameđa Jesús. Ęi Jūmenijicuque boroteiye báquepedeca bediόva borotecunrejameđa ũ. ⁴⁰Ęi bueimara yebai copainuri, náre cāivure earejameđa Jesús cojedeca. Āmei vno ijidejavāya náre. Aru ũre ju aiye majibedejaimađa na. ⁴¹Bediόva Jūmenijicuque borotecunuri, yóbecue borotecuñu. Boroteni buojarī, ne yebai copainuri, arejameđa náre:

—¿Cāivurū mja cāreja? Jede, quénoramu. Iora jave eaiyu. Ijārvūi dayu bácu, Jūmenijicui daroimu mácu ũmure, āmeina teivure ne jēni jīnajimumu yu. ⁴²Nacajajara mja. Copu nurajarevu. Yure ji mauvare jēni jīcuyu daibi, arejameđa Jesús.

Jesúre jēni ne nuvaino

(Mt 26.47-56; Lc 19.47, 21.37, 22.47-53; Jn 18.2-11)

⁴³Jesús ũi boroteiyedecata earejameđa Judas, nácacu, doce paivucacu. Obedivu pōeva ũque earī, boaicarovea aru boaidua dururī earejaimađa, sacerdotevare jaboteipōeva, aru Jūmenijicui yávaive báquede bueipōeva, aru judiόva bucva máre ne daroimara. ⁴⁴Judas, ñai Jesúre jēni jīcuyu, ũi eaquie jipocamia, javeta Jesúre boarī jaruvaivurivure coyurejameđa yópe: “Ji jacoyurī jīva nuimu macuyúme mje jēnajimu. Řre jējara. Řre jēni, ména ũre jārī capurī nuvajara mja”, arejameđa náre Judas. ⁴⁵Jesús yebai nuri, cūiná Judas ũre earī, arejameđa:

—Aru, bueipōecu, arejameđa Jesúre Judas.

Que arī, ũre jiva nuri jacoyurejameđa. ⁴⁶Que teni ina pōeva ũre jēnejaimađa na. ⁴⁷Nópe teiyede jārī, cūinácu Jesúi buemaracacu ũi boaicarovede tatorī, duarī, ĩni, sacerdotevare jaboteipōecu yebacacure juijórī najuárejameđa ũi cámyuce.

⁴⁸Řre jēnaeivure arejameđa Jesús: —¿Tatorī ñavaipōecure jēivure yure boaicaroveaque aru boaiduaque jēni jacorādaivurū mja? ⁴⁹Jārvua coapa

mje jēneboi Jūmenijicui cūrami bueyu batecācu yu. Apurī mjaque cacure, yure jēni jacobeteavū mja. Řbenita yópe Jūmenijicui toivaicōjeiye báquepedeca, caiye iye vaivu, náre arejameđa Jesús.

⁵⁰Que tedurata ũi bueimara ũre jocarī, dupini nurejaimađa na.

⁵¹Cūinácu bojuyo, nore cacu, Jesús yóboi nuñu, dorejameđa quénora cūinácaje doicaje meacajede, lino āmicuricajede. Jesúre jēivu bācvu jēnidurejaimađa ñai bojuyore máre, ũi doicajede jēni. ⁵²Řbenita dajocayu dicajede ne puruái, cúyarī, dupini nurejameđa cuitótecaje cubecva.

Jesúre ne nuvaino judiόvai jabova cójijivu yebai

(Mt 26.57-68; Lc 22.54-55, 63-71; Jn 2.19, 18.12-14, 19-24)

⁵³Jesúre nuvarejaimađa sacerdotevare jaboteipōecu yebai na, ũre jēivu bācvu. Nore ina sacerdotevare jaboteipōeva, aru ina judiόva bucva, aru ina Jūmenijicui yávaive báquede bueipōeva máre ne baju cójijini borotenanurejaimađa ne jabova baju ne cójijinami. ⁵⁴Aru Pedro joajīenata Jesús yóboi nure nuñu mácu, sacerdotevare jaboteipōecu táibui ecorejameđa ũ. Nore ecorī, Jūmenijicui cūramine coreipōevaque toaboi cuocarī dobarejameđa ũ.

⁵⁵Na sacerdotevare jaboteipōeva aru caivu ne cójijinocavu Jesúre āmecororājivure voridurejaimađa, ũre boarī jaruvaivurivū. Řbenita eabedejaimađa na. ⁵⁶Obedivu Jesúre borocurī āmecororidurejaimađa. Řbenita cūináuru boro coyubedejaimađa na. ⁵⁷Apevu ne jēneboi curivu nacajari, nuri, borocurī āmecororejaimađa Jesúre, yópe arī:

⁵⁸—Ęi yópe arī coyuyede jápiacarā ñja: “Īñami Jūmenijicui cūrami, pōevai ñaiñamine, jaruvacuyumu yu. Yóbecurijārvua ji jarvarīburu yóboi, apedāmi ñacuyumu yu. Řbenita ji puruáque ñabecubu yu”, áme Jesús, arejaimađa na.

⁵⁹ Ûbenita yópe ne ãmecorõduiyedeca cüináturu abedejaimada na. ⁶⁰ Dinũmũre ñai sacerdotevare jaboteipõecu nacajari ne coricai núri, arejameða Jesúre:

—¿Coyarĩ majibecurũ mu? ¿Ne nõpe ãmecoroiyede, aipe ayurũ mu? arejameða Jesúre.

⁶¹ Ûbenita Jesúcapũravũ bi arejameða. Dinũmu bediõva cojedeca arejameða Jesúre sacerdotevare jaboteipõecu: —¿Mu Cristo ãmecurũ mu? ¿Jũmenijicu meacũ mácurũ mu? arejameða ã.

⁶² Aru Jesús arejameða úre: —Quédeca mi aimutamu yũ. Jũmenijicũ daroimũ mácũre ãmũpe, yũre, járajaramu muja, Jũmenijicu parũcũ meapũravũ dobacũre. Aru ji ocopeniboai jõðari ãmeiyede máre járajaramu muja, arejameða náre Jesús.

⁶³ Que ayũre, ñai sacerdotevare jaboteipõecu jorojĩni, ãi doiyede tatorĩ, jadevarĩ, arejameða:

—Apevũ ne coyũye jaũbevũ. ⁶⁴ Javeta muja járiadavũ. Jũmenijicu ãbebi ñai nõpe yávayũre. ¿Aipe adarãru muja? arejameða ã.

—Boarĩ jarũvaimũ macũyũme ã, arejaimada na caivũ, úre boarĩ jarũvaicõjeivũ.

⁶⁵ Que arĩ, úra jẽcututurajaimada na. Aru ãi jivare moari, úre pẽvavarejaimada na. Aru arejaimada: —Coyũjacũ mu. ¿Ñame matedĩ mure pẽvaũ? úre pẽvavaivũ arejaimada na. Ina Jũmenijicũ cũramine coreipõeva máre úre totarejaimada na.

“Jesúre yũ coreóvabevũ” arĩ, Pedro ãi coyũino

(Mt 26.69-75; Lc 22.56-62; Jn 18.15-18, 25-29)

⁶⁶ Pedro ãi cuedeca tãibui, sacerdotevare jaboteipõecũ yebacarõmivacaco cüináco nore earejacoda õ. ⁶⁷ Û cũocayũre jári, úre me corejacoda õ. Aru arejameða: —Mu máre ñai Jesús Nazarecacũque cútevũ mu, arejacoda úre.

⁶⁸ Ûbenita Pedrocapũravũ arejameða óre:

—iNácacu ãnevũ! Jesúre yũ coreóvabevũ. ¿Aipe arĩ, mu que adorũ? arejameða.

Que arĩ, tãibui etarĩ, jedevai nuitenevei nũrejameða Pedro. Dinũmu cáyu órejurejameða. ⁶⁹ Aru bediõva cojedeca úre jári, arejacoda ico yebacaco náre, nore cũrivũre coyũyo:

—Ñai nácacube ã, arejacoda. ⁷⁰ Aru Pedrocapũravũ arejameða cojedeca:

—iNácacu ãnevũ! Jesúre yũ coreóvabevũ, arejameða.

No yójiõboi ina nore cũrivũ Pedrorẽ jári, cocorĩ, arejaimada úre cojedeca: —Mu máre nácacube mu.

Galileacacutamu mu, arejaimada na.

⁷¹ Dinũmũma jáve ayũre, náre pare baju arĩ coyũrejameða Pedro:

—iJãveneca Jũmenijicũ jáinoi yũ mujare coyũyutamũ! iJãve ji coyũbedũ, Jũmenijicu ãmedajacurĩ yũre! Muje aimure ye majibecutamũ yũ. Jesúre yũ coreóvabevũ, arejameða.

⁷² Ûi que aipe bajure, bediõva cojedeca órejurejameða cáyu. Ûi órejaiyede, Pedro ãrũrejameða Jesús ãi coyũiyẽ bãquede: “Cáyu ãi puque órejaquiyẽ jipocai, yóbecũe baju, ‘Jesúre yũ coreóvabevũ’, acũyũmu mu”, arĩ coyũiyẽ bãquede ãrũrejameða. Aru ãrcũ, cüiná orejameða ã.

Jesúre ne nuvaino Pilato yebai

(Mt 27.1-2, 11-14; Lc 23.1-5; Jn 18.28-38)

15 ¹ Avia ãi tucũmũiyede ina sacerdotevare jaboteipõeva, judiõva bũcũvaque, Jũmenijicũ yávaiyẽ bãquede bueipõevaque, aru caivũ ne cõjjiinocavũ diede boroteni cõjjiidejaimada na. Boroteni buõjarĩ, Jesúre buõrĩ, nuvarĩ jabocũ ãi ãmiã Pilato yebai jacorãnrẽrejaimada na. ² Ne nuvaiyede úre, Pilato arejameða Jesúre: —¿Mũru judiõvai jabocũ? arejameða. Jesúcapũravũ arejameða: —Quédeca, mi aimũrecabu yũ, arejameða.

³Dinɔntɔma Jesúre caijje ámene ámecororejaimada na. ⁴Aru Pilatocapúravu arejamedá Jesúre:

—¿Cɔpɔ náre ju abecurũ mu? ¿Jápiabecurũ caijje ne ámecoroiyede mure? arejamedá.

⁵Ūbenita ye yávabedejamedá Jesús. Ūi yávabe boje, urarõ dápiarejamedá Pilato.

Põeva ne boarí jarɔvaicõjeino Jesúre

(Mt 27.15-31; Lc 23.13-25; Jn 18.38-19.16)

⁶No torojave teinɔntɔmure Pilatocapúravu jacoimɔ mácure põeva ne etavaicõjeimure etavavarejamedá. ⁷Roma ámicurõ jaboteinore boainɔntɔmure, põevare boarí jarɔvaivɔ bácavɔ jacoimara marejaimada. Nácacɔ cüinácu Barrabás ámicurejamedá.

⁸Obedivɔ põeva Pilato yebai murí nurí, jëniari járanurejaimada Pilatore:

—Mi ðarí cõmajiyepere ðacajacɔ caride, arejaimada na.

⁹Ne jëniari jáiyede arejamedá náre Pilato:

—¿Dinɔntɔ muje jabocure jaetovaji yu? arĩdurejamedá.

¹⁰Ina sacerdotevare jaboteipõeva Jesúre ne jorojĩyede majini, obedivɔ põeva ne ɛe boje úre, nópe náre jëniari járejamedá Pilato. ¹¹Ūbenita ina põevare majicarí, aicõjenezaimada sacerdotevare jaboteipõeva yópe:

—“Barrabáre jaetovajacɔ mu”, arĩ coyɔjarã muja Pilatore, arejaimada sacerdotevare jaboteipõeva.

Que baru ina põeva náre ju arí, que arejaimada Pilatore. ¹²Ne que coyurĩburu yóboi, arejamedá náre Pilato:

—¿Dinɔntɔ ñai judiovai jabocɔ, muje aimure, aipe ðaji yu? arejamedá.

¹³—iŪre jocɔcɔjaravena pëvari, boarí jarɔvaicõjejacɔ mu! codoboborí arejaimada.

¹⁴—¿Yéde ámeina tearí ñai? jëniari járejamedá náre Pilato.

Ūbenita pueno baju codoboborí arejaimada na:

—iŪre jocɔcɔjaravena pëvari, boarí jarɔvaicõjejacɔ mu! arí codoboborejaimada na.

¹⁵Que teiyede Barrabáre jaetovarejamedá Pilato, náre ne urõpe ðaiyɔcu. Aru Jesúre jara popeicõjenezamedá. No yóboi churaravare Jesúre jocɔcɔjaravena pëvaicõjenezamedá ũ, Pilato.

¹⁶Que teni ina churarava Jesúre ñni, nuvari jabocui cürami, úre ecovarejaimada ðinami táibui. Nore covarí, cójijicõjenezaimada caivɔ apevɔ churaravare. ¹⁷Jesúre puenocacaje, jabocui doicajepere paicaje ñemijuaricajede doarejaimada na. Doarí buojarí, miumua cãteni, cainitarabure ðarí, ũi jipoburã ditarabure tuorejaimada na. ¹⁸Que ðarí úre jacyurejaimada na:

—Ména cɔjacɔ mu, judíovai jabocɔ, arejaimada churarava Jesúre, ũbenita úre yurivɔ.

¹⁹Ūre jipoburã jocɔyoque jáðori, úra jëcututuri, úre jabocure jacyuivɔpere ñɔaturí tedejaimada na coapa.

²⁰Ūre yurini buojarí, úre ne doicaje ñemijuaricaje bácáre, no jabocui doicajepere paicajede ñni, duarí, ũi doicaje bácáre bediõva úre doarejaimada cojedeca. Que teni buojarí, úre nuvari, jocɔcɔjaravena úre pëvari jëoranurejaimada na, churarava.

Jesúre ne pëvari yuyaino jocɔcɔjaravena

(Mt 27.32-44; Mr 14.58; Lc 23.26-43; Jn 2.19, 19.17-27; Ro 16.13)

²¹Jesús jocɔcɔjaravede ture nuñu maridurejamedá. Aru cuyɔ bácɔ ímaroi earejamedá Simón, Cirene ámicurímarocacɔ. Alejandro aru Rufo népacɔ barejamedá ũ, Simón. Nore vaiyúre, úre Jesús ũi jocɔcɔjaravede tuino mácarõre tuicõjenezaimada na, churarava.

²²Ina churarava nuvarejaimada Jesúre cüracü Gólgota ámicuricüi, Põe jipobucü aiyurõmu. ²³Noi ũcuiye upiáteiye báque cürijororɔ cürejavũya, vino úyaicoro mirra ámicue jocɔcɔ cuidóque. Die ũcuiyede jĩnidurejaimada Jesúre, úre ijibequiyepere aivɔ. Ūbenita ũ ũcuri jári,

ubecu, ùcumenejameða. ²⁴Que teni ùre jocucujaravena pēvari jēorejaimaða. Aru ne yajuiyede cainijiduare dāvarejaimaða. Diduá etaiyede jári, majidejaimaða ácu nácacu ìcuyure Jesús ùi doiyé báque coapa. Que teni yajurí, coavarí Jesús ùi doiyé báquede, ìnejaimaða ùre pēvaivu bācavu.

²⁵Javejīna nueve baji, pēvari jēorejaimaða ùre. ²⁶Jocucujaravena, ùi jipobu puenoi, toivaino jēnejavūya, apevu ne majinajipepe aino Jesús boarí jaruvaivu ne dápiainore, “¿Aipe teni ùre boarí jaruvarāma na?” ne aino. Yópe aiyurejavūya no toivaino: “Judíovai jabocube”. ²⁷Úque máre pēvari jēorejaimaða pucarā tatorí ñavaipōevare, ape pucarā jocucujaravearā. Cūinācu Jesús ùi meapūravui aru apecu ùi cācopūravui curejaimaða. ²⁸Que teni ðarejaimaða ina yópe Jūmenijicu ùi toivaicōjeiye báquedepedeca ùi yāvaiyede: “Pōeva ùre ðarājarama yópe ne ðaiyepé āmeina teivure”, toivaicōjenejaquemavu.

²⁹⁻³⁰Ina vainánuravu jári, ne jipobuare cújiovari, āmeina yāvarejaimaða ùre, yópe arí:
—Mu, Jūmenijicui cūramine jaruvaiyuvacacu aru yóbecurijāravua yóboi ðīnāmine meāaiyuvacacu, caride jocucujaravede dajocarí, ēmeni, mi bajure meāajacu mu, arejaimaða Jesúre ina vainánuravu.

³¹Nopedeca ina sacerdotevare jaboteipōeva aru Jūmenijicui yāvaiye báquede buaipōevaque máre, ne baju yurivu Jesúre, yópe arejaimaða:
—Apevure meāavacacvacari, ubenita ùi bajure meāarí majibebi ù. ³²Cristo, Israecavu ne jabocu, jocucujaravede dajocarí, ēmeni, dajacurí ù. Que ðaru, maja ju arājaramu ùre, arejaimaða na.

Aru ina pucarā pēvaimara māvavu máre úque, nopedeca āmeina yāvarejaimaða ùre.

Jesús ùi yaino

(Mt 27.45-56; Lc 8.2-3, 23.44-49; Jn 19.28-30; He 10.20)

³³Jāravu corica baji ñemié turí ðarejavūya caino joborói. Pu

yóbecuriora yóboita vaidéjavūya. ³⁴Aru yóbecuriora bajita, iye ñemié tuiyede dajocaiyede, pare bujié coðoborí, yávarí ðarorejameða Jesús:

—Eloi, Eloi, ¿lama sabactani?

Nópe aino: “Mu, ji mearore jímu, mu, Jūmenijicu, ¿aipe teni yure dajocarí nuñuru mu?” aiyuró marejavūya.

³⁵Que ayure, apevu nore núrivicavu ùre jápiarí, ubenita jápiarí eabeni, arejaimaða:

—Jápijarā. Elíare órejaibi ù, arejaimaða na.

³⁶Dinūmure cūinācu nácacu cúyarí, jaubore ñi, uyovarejameða vino úyaicoro upiáricoroque aru dijaúbore abodorā buorí, jēori, jaruvarejameða Jesús ùi úcuquiyepe ayu. Aru arejameða:

—Corejarā. Jārajarevu Elías jōðavacudayure ùre, arejameða ù.

³⁷⁻³⁸Cojedeca Jesús pare bujié coðoborí, “Quénoramu” arí, yaidéjameða ù. Úi yayieda, Jūmenijicui cūramicacaje uracaje coricōpavaicaje bācaró quéda corica baji jaðeni nurejavūya, puenocatūravai búrí pu cāchinocatūravaita. ³⁹Nore Jesús bācure cocorí nūcu barejameða churaravai jabocu. Jesús yayiure jári, arejameða ñai:
—Jāveneca Jūmenijicui māvucu baju batecúbe ñai, arejameða churaravai jabocu.

⁴⁰Nomiva máre cocorí núrivu joajīemia curejaimaða. Ne jēneboi curejaimaða cūināco nomió, Magdala āmicuríimarcaco, oí āmiá María, aru apoco oí āmiá Salomé, aru apoco oí āmiá María máre, ico Santiago aru José népaco. Ñai Santiago bojuyo barejameða. Apecu Santiago bucucu ùi cāchinocacu barejameða ù, Maríai māvucu. ⁴¹Na Jesús ùi cuede Galilea āmicurói cadateivu barejaimaða ùre. Aru apevu nomiva, ina eaivu bācavu úque Jerusalén āmicuríimaro, curejaimaða nore.

Jesús bācu jaruvaimu ne pōe jaruvainoi

(Mt 27.57-61; Lc 23.50-56; Jn 19.38-42)

⁴²Dijāravu, nainú, torojave teijāravu baquinóre meāaijāravu barejavūya.

Sábado baquinó jipocacajāravu barejávūya. ⁴³Pilato yebai nūrejamedā José, Arimatea āmicurīmarocacu. Sacerdotevai cōjijinore coyūipōevacacu barejāmedā ũ. Ne pueđaimu marejāmedā José. Ũ máre Jūmenijicui jabotequinumu maquinóre napini coreyu barejāmedā. Jidūrō cubeno, paruriūme curī, Pilato yebai nūri, Jesús bācui baju bācarōre jēniacunūrejamedā ũ. José ũi jēniaiyede, Pilato cuturejamedā churaravai jabocure. Aru jēniari járejamedā ũre:

⁴⁴—¿Jave yaidíca ũ? ¿Aipiye bajure yaidí? arejamedā.

⁴⁵Aru churaravai jabocu ju arejamedā: —Jave yaibí ũ mácu, arejamedā.

Aru aiyeta, Jesús bācui baju bācarōre ícōjēnejamedā Pilato, Joséde ícōjēñu. ⁴⁶Meacaje boricaje, lino āmicuricajede bojedārī, Jesús bācure jocucujaravede jōđavari, ĩni, dicajeque, ũ mácure cūmari buorejaimada Joséjā. Ũ mácure nūvari cūracobei, Jesús bācure jarūvarejaimada na. Nore ne jarūvarīburu yóboi, apeturava cūraturavare ĩni, jāturuvari, dicobede bidejaimada. ⁴⁷Aru Jesús bācure jarūvainore járejaimada na, María Magdalacaco aru María, Joséi paco máre.

Jesús ũi nacajaino yainore jarūvarī
(Mt 26.32, 28.1-10; Mr 14.28;
Lc 24.1-12; Jn 20.1-10)

16 ¹No judíovai jabuóvaijāravu sábadu, nainú vaiyede, María Magdalacaco, aru Salomé, aru Santiagoi paco mumijuribure ĩni bojedarejaimada na. Jesús bācure ne jarūvainoi nūri, die mumijueque ũ mácui baju bācarōre yuarānuivu barejāmedā na. ²No sumana buijāravu domingo javejīnara, avíá ũi tucumuiyede, Jesús bācure ne jarūvainoi nūrejaimada ina nomiva.

³Ne bajumia borotede nūrejaimada, yópe arí:

—¿Name majare cūracobe bieituravare jāturuvari, cađatenajidica na? arejaimada dinomiva.

⁴Ne eaiyede nore, dicobe biebecobede járejaimada na. Diturava bieiturava bācarō uraturava baju barejávūya. Ũbenita joajīeneca dituravare jári earejaimada na. ⁵Dicobede ecoivu nore meapūravui dobacure, bojuyore járejaimada ina nomiva. Boricajede, ũmujuricajede doyu barejāmedā ũ. Aru dinomiva cuicumarejaimada na.

⁶Náre arejamedā:

—Jidubejarā muja. Jesús Nazarecacure, ne jocucujaravena pēvaimu mácure, voriduivubu muja. Yore cubebi ũ. Javeta nacajami. Járijide apa. Ũi bajure ne jarūvaino mácarōre jájara muja. ⁷Pedrore aru Jesúi bueimara mácavu apevure yópe coyūrānujara muja: “Muje jipocai Galileai nucuyume Jesús. Nore mujare ũi ávarepe ũre járajaramu muja”, ajarā, arejamedā náre.

⁸Aru dicobede etarī, cúyari nūrejaimada ina nomiva. Jidūrī bididejaimada na. Nūri, ne copuimarare ye abedejaimada dinomiva, cuicumaivu.

Jesús ũi cueteino María Magdalacore
(Jn 20.11-18)

⁹Jesús nacajañu mácu yainore jarūvarī, sumana buijāravu domingo javejīnara, cuetedejamedā mamarumure María Magdalacore, ico ũi jarūvaimo máco siete paivu abujavare. ¹⁰Ō nūri, majide đarejacođa ina ũque curivu bācavure, chīori oivure. ¹¹Aru na jápiaivu nacajañure yainore jarūvarī, aru ōi jáino mácarōre máre jápiarī, “Jave majavú”, abedejaimada na.

Jesús ũi cueteino pucarā ũi bueimarare
(Lc 24.13-35)

¹²No yóboi cuetedejamedā apēcūpeda ina pucarā ũi bueimaracavure ne nūiyede mái ĩmarore jocarī. ¹³Na nūri coyūridurejaimada nācavure. Ũbenita ju abedejaimada náre máre.

Jesús ũi coyūicōjeino ũi yávaiye méne
(Mt 28.16-20; Lc 24.36-49;
Jn 20.19-23; Hch 1.8)

¹⁴Yóbo baji Jesús cuetedejamedā caivu once paivu ũi bueimarare ne dobaede

tuoiva yebai. Ju abevu barejáimada ina jáivu bácvu Jesúre, nacajañu mácvu yainore jaruvarí, ne covuyede úra. Que baru jararejameda ne ju abenore aru ne jápiarí coreóvabede máre. ¹⁵Arejameda náre:

—Buenanujara caivu ijárvucavure iye yávaiye méne. ¹⁶Nácvu ne ju arí jádovaru Jūmenijicure ocoque meadacuyumu yu. Ubenita nácvu ju abevu baru bíjarājarama na. ¹⁷Ina yure ju aivu pōeva ne đarí majibede đarājarama. Ji āmiái, ji paruéque, jaetovarājarama abujuvare. Yávarājarama apecamua yávaicamuare ne majibecamuare. ¹⁸Dururājarama āđavare. Ne ūcuyede ijede ye āmedabequiyebu náre. Ijimarare

tuvorājarama, aru meatenajarama na, arejameda Jesús.

Jesús ūi muino cavarō mearo

Jūmenijicui curōi

(Lc 24.50-53; Hch 1.9-11)

¹⁹Jesús yávayu bácvu náre, muri nurejaquemavu ijárvure jocarí. Nurejaquemavu cavarō mearo Jūmenijicui curōi. Dobarejaquemavu Jūmenijicui meapūravui. ²⁰Aru ūi bueimara mácvu covurānurejaimada iye yávaiye méne pōevare, ne cainoai. Que baru cainumua Jesús cadatedejameda ūi pōevare, ne covurājijeyepu ayu Jūmenijicui yávaiyede pōeva ne đarí majibede đaiyeque. Quénoramu.